

1(718)
2026

Հրատարակվում է
1999թ. սեպտեմբերից

Ճանաչել զիմաստությունն եւ զխրատը, իմանալ զբանս հանճարոյ

ԼՍԱՐԱՐ

Лусарар

ԿՐԹԱՄՇԱԿՈՒԹԱՅԻՆ ԹԵՐԹ

Lusarar

Ավետիք ԻՍՈՒՄԱՆ

ՃԵՄԱՐՏՈՒԹՅՈՒՆ ՉԿԱ ՈՒՐԻՉ

Եղբայրության կամ թե սիրո
խոսքը ես ձեզ չեմ ավետում, -
Պատգամները չարի, բարվո
Չեր ոտների տակն են նետում:
Կյանքն է պայթար՝ գոռ ու դաժան,

Գզմիր մարդուն և թռի վեր.
Իրավունքը ուժն է միայն,
Վա՛յ հաղթածին, հազար վայեր:
Տեր կամ ըստրուկ պիտի լինիս, -
Ճշմարտություն չըկա ուրիշ:

Չես սպանի, քեզ կսպանեն,
Դու սպանիր, քեզ չսպանեն:
Լուծ կամ լծկան պիտի լինիս, -
Ճշմարտություն չըկա ուրիշ:

Անիծվիս, մարդ, որ հույսդ է մարդ.
Բախտըդ կռվով կռիր ինքըդ:
Մուրճ կամ գնդան պիտի լինիս.-
Ճշմարտություն չըկա ուրիշ:

ՄԻՋՈՅԱՌՈՒՄ ՀԱՆԴԻՊՄԱՆ ԵՎ ՀԱՄԱԽՄԲԱՆ

Հունվարի 18-ին Երևանի Կարեն Դեմիրճյանի անվան մարզահամերգային համալիրը արցախյան շնչով էր հագեցված: «Արցախյան մշակույթի պահպանման կենտրոն» ԳԿ-ի և «ՄՈՒՆԲ» տեխնոլոգիայի մախաձեռնությամբ կազմակերպվել և իրականացվեց «ՄԵՆՔ ԿԱՆՔ» մեծ համերգ-միջոցառումը: Մինչ համերգի սկսելը՝ համալիրի զվեսավոր մուտքից դեպի դահլիճներ տանող հատվածում կայացավ ցուցահանդես, որի մուտքն սկսվում էր Արցախի Ձինանշանի բնանկարով: Այն իրենից ներկայացնում է մի թևատարած արծիվ, որը կրում է Արտաշեսյանների արքայատոհմի թագը, իսկ զվեսավորում տարածվում են արևի ճառագայթները: Կենտրոնում դրված է վահան, որի վրա պատկերված են Արցախի դրոշմը (հորիզոնական դիրքով) և Ստեփանակերտի մոտ գտնվող «Մենք ենք մեր սարերը» («Տատիկ և Պապիկ») հուշարձանը՝ Մեծ Քիրս լեռան ֆոնին: Ներքևի մասում արծիվի ճանկերի մեջ խաղողի վազեր են, թթենու պտուղներ, ցորենի հասկեր: Վերևի կիսաշրջանաձև ժապավենի վրա արված է հայերեն մակագրություն՝ «Լեռնային Ղարաբաղի Հանրապետություն-Արցախ»: Ձինանշանի հեղինակ Լավրենտ Ղալայանն այցելուներին ներկայացնում էր՝ ինչպես է ստեղծել այն: Արցախյան բազում կազմակերպություններ՝ մշակութային խմբեր, տնտեսավարողներ, անհատներ, որոնք այժմ գործում են ՀՀ-ում, իրենց արտադրանքն էին ներկայացրել նաև վաճառքի համար:

Գործում էին սննդի կետեր՝ արցախյան ուտեստներով: Երևանում գործող «Հուստտուն» բարեգործական հիմնադրամը ներկայացրել էր իր հովանու տակ ստեղծագործող արցախցի երեխաների ձեռքի աշխատանքները, նկարները:

Ցուցասրահի մի հատվածում ներկայացրել էի Արցախի մասին պատմող լուսանկարներ՝ սկսած 1989 թվականից, երբ պաշտպանում էինք Բերդաձորը: Ցուցադրված էին նաև Արցախի պատմական հուշարձանների՝ Դադիվանք, Գանձասար, Ամարաս, Շուշի, Քաշաթաղի Ծիծեռնավանք և այլն, հասարակական-մշակութային կյանքի և Պաշտպանության բանակի մասին պատմող լուսանկարներ: Հարևանությամբ դատերս՝ նկարիչ Անահիտի գեղանկարներն են՝ որոշներն Արցախ ներկայացնող: Շատերը հետաքրքրվեցին ցուցադրած լուսանկարներով: Իրենց, ծանոթ-բարեկամների, հարազատների գտան լուսանկարներում: Առավել հետաքրքրված էին 90-ականների մասին պատմող լուսանկարներով, որոնցում ցուցադրված էին ռազմական տարբեր ջոկատներ, անհատներ: Որոշներին համոզիպել կամ նույն ջոկատի կազմում մասնակցել են մարտական գործու-

ղությունների մեր հայրենիքի տարբեր վայրերում՝ Բերդաձոր, Վահան գյուղ, Լաչին-Քաշաթաղ, Արցախի Մարտունու Ուլանի բարձունք, Ավետարանցի մատույցներ և այլուր: Ընթացքում շրջեցի նաև ցուցասրահում, գրուցեցի տաղավարների ներկայացուցչների հետ: Բոլորն էին գոհ կազմակերպված միջոցառման համար: Ամենակարևորը՝ իրար կարոտած շատ արցախցի-

ճանաչված երգիչ, Արցախի մեծ բարեկամ, ազատամարտիկ Դավիթ Ամալյանը ներկայացրեց «Կարոտել եմ» երգը: Հունվարի 18-ին է ծնվել նրա Վարդան որդին, որը 2020թ. ծառայում էր Արցախի Պաշտպանության բանակում և սեպտեմբերի 27-ին սկսված պատերազմի առաջին օրից մարտադաշտում էր: Հերոսաբար զոհվեց նոյեմբերի 7-ին Շուշին պաշտպանելիս, հետմահու պարգևատրվել է «Արիության համար» և «Մարտական ծառայության» մեդալներով: Օրեր առաջ Դավիթի հետ Ստեփանակերտում էինք, խոսեցինք կայացող համերգի մասին: Ասաց՝ չէր կարող չմասնակցել նման միջոցառման: Նշեց նաև, որ նույն օրը «Մետրո» թատրոնում կկայանա որդուն նվիրված միջոցառում:

Համերգի յուրաքանչյուր խմբի կամ անհատ կատարողի ելույթ առաջինը հույզեր ու հիշողություններ էր արթնացնում: Նայում են շուրջս նստած հանդիսատեսներին, գրեթե բոլորի աչքերն էին թրջված. Տունը՝ Արցախը, կանչում է: Արթուր Խաչենցի «Ել քիմինք Արցախ», Ներսիս Իսպիրյանի «Ղարաբաղ», Շուշան Պետրոսյանի «Արցախ» կատարած երգերը, պարային խմբերի ելույթները ոտքի էին հանում հանդիսատեսին, դահլիճի տարբեր կողմերում Արցախի եռագույնն էր ծածանվում: Մոտ 3 ժամ տևած համերգը, որ կարևորվեց նաև արցախցիների և մեկ անգամ համախմբվելու, կարծես շուտ ավարտվեց:



ներ հանդիպեցին: Իսկ երեկոյան կայացած հիրավի Մեծ համերգը բոլորին մտքով տուն՝ Արցախ տարավ:

Կ. Դեմիրճյանի անվան մարզահամերգային համալիրի հարկի տակ ելույթ ունեցան Արցախի տարբեր մշակութային համույթներ, ինչպես նաև՝ հայաստանյան և արցախյան ճանաչված մենակատարները:

3

ՄԵՆՔ ԿԱՆՔ. ԲԱԶԵՐԻ ՀՈՂԸ ՄԵՋ Ե ՍՊԱՍՈՒՄ...

Մշակույթը ազգի հոգևոր հայելին է:

Երևանի Կարեն Դեմիրճյանի անվան մարզահամերգային համալիրի ճանապարհները չէին բավականացնում՝ տեղավորելու մշակութային այդ կենտրոնը շտապող մարդկանց ու մեքենաները:

Կեսօրից սկսած՝ մարդիկ շտապում էին այնտեղ՝ վայելելու արցախյան մշակույթի բացառիկությունները: Առավել անհամբեր էինք մենք՝ արցախցիներս:

Համալիրում տեղակայված տաղավարների սեղանները ձկվում էին մշակութային ցուցանուշներից, իսկ պատերը հրճվում էին անուշահոտությունից:

Այդ օրը Արցախը «ժամը նս-

տել էր» համալիրում ու անհամբեր սպասում էր իր այցելու գավակներին, որ տարագիր էին դարձել հայրենի երկրում:

Չնայած սառնաշունչ եղանակին՝ բոլորը՝ ծեր ու մանուկ, կին

կան մի մագնիս, որը դեպի իրեն էր քաշում ոչ միայն արցախցիներին: Ո՛չ, արցախյան համերգությունների՝ փախլավայի, գաթայի, ժենդյալով հացի, կուրկուտի զգլխիչ բուրմունքը չէր մարդկանց գերել, որ շտապում էին այնտեղ՝ վայելելու այդ բարիքները: Ինչ-որ գերբնական, աներևույթ ու անբացատրելի մի ուժ հազարավոր թելերով նրանց ձգում էր դեպի իրեն: Այդ անտես ու աննկատ թելերն անցնում էին յուրաքանչյուրի սրտի ու հոգու միջով՝ հաճելիորեն շոշափելով նրանց նուրբ ու զգայական աշխարհը:

Այդ օրը Արցախը մարզահամերգային համալիրի հյուրն էր և սպասում էր իր հանդիսատեսին:

2



թե տղամարդ, շտապում էին այնտեղ՝ տաքացնելու իրենց հոգիները հարազատ միջավայրում: Համալիրը դարձել էր հսկայա-

ԽՈՍՔ ԾՆՈՐԱԿՈՐԱՆՔԻ ՈՒ ՄԱՂԹԱՆՔԻ



Լրացավ վաստակաշատ մանկավարժ, «Լուսարար» թերթի վաստակավոր բարեկամ և ակտիվ թղթակից Սուրայա ՂԱԶՈՐՅԱՆԻ ծննդյան 75-ամյակը: Այդ տարիների հաշվեկշռում մի հազեցած կյանք կա՝ լի երազանքներով, նվիրումով ու մաքառումներով: Նրան հաճախ կարելի է տեսնել կրթագիտական, մշակութային, հասարակական միջոցառումների ժամանակ, որոնց մասին մամուլում և ֆեյսբուքյան իր էջում պարբերաբար հանդես է գալիս յուրատիպ անդրադարձերով: Նրա անունը այսօր էլ արժանի տեղ ունի ստեղծագործական մրցույթների մրցանակալիրների շարքում: Ասել է թե՛ Սուրայա Ղազարյանը հավատարիմ է մնացել այն կարևոր առաքելությանը, որով ամբողջանում է նրա օրինակելի նկարագիրը՝ իբրև կին, մայր, մանկավարժ, լրագրող ու ՀԱՅՐԵՆԻԹԻ նվիրյալ դուստր:

Մեր գործընկերուհուն ավելի ամբողջական ներկայացնելու համար ընտրել ենք օրհինակ մի ձևաչափ, ըստ որի՝ Սուրայա Ղազարյանը, իր ներսի աչքերով զննելով ինքն իրեն, պատմում է իր մասին:

Շնորհավոր հոբելյանդ, հարգարժան Սուրայա Ղազարյան, արևշատություն ենք մաղթում ու ստեղծագործական երկար տարիների կյանք: Թող հաջորդ հոբելյաններդ միասին նշենք հայրենի Արցախում:

Խորին հարգանքով՝
«Լուսարար»-ի խմբագրակազմ

ՄՇԱԿՈՒԹԱՅԻՆ ՈՒՂԵՐԶ

ԻՆՔՆԱՉՐՈՒՅԹ-ԻՆՔՆԱԿԵՆՍԱԳՐՈՒԹՅՈՒՆ

Սիրելի ընթերցողներ, ընկերներ, ծանոթ-բարեկամներ, հարազատներ: Այսօր 75-ամյա իմ կյանքի բարձունքից փորձում եմ ձեր առջև անկեղծանալ ու բացել կյանքիս ու հոգուս «հուշամատյանը»՝ քերթելով նրա և՛ ուրախ, և՛ թախծոտ էջերը: Հայտնի խոսք է, որ մարդուն իրենից զատ ոչ ոք չի կարող ավելի լավ ճանաչել: Գուցե ինչ-որ տեղ այս վերլուծությունը շատ անկեղծ ստացվի, ինչ-որ տեղ՝ գուցե անհամեստ, կամ շատ դեպքերում չափազանց զուսպ լինի, հայցում եմ բոլորիդ ներողամտությունը և հորդորում շատ խիստ չլինել «դատելու» հարցում:

Կյանքիս փուլերը Մանկություն: Ո՞վ եմ ես

Ես՝ Սուրայա Ռուբենի Ղազարյանս, ծնվել եմ 1951թ. հունվարի 27-ին (մայրս 28-ն էր ընդունում), Ասկերանի շրջանի Քյաթուկ գյուղում, ավելի կոնկրետ՝ Ասկերանի բերդից ոչ հեռու գտնվող մի փոքրիկ բնակավայրում, որ նախկինում Սիր-գաջան էր կոչվում: Այժմ այդ տարածքում բենզալցակայան է տեղադրված:

Նախ անվանա ծագման մասին, որը ողջ կյանքում հետապնդել է ինձ (երբեք չեմ սիրել այդ անունը): Քիրվայության ժամանակներն էին, և հաճախ էր մեր քիրվան (թուրք ծանոթ) լինում մեր ընտանիքում: Ի՞նչ ծննդյան գիշերը մեր տանն է լինում: Կնոջ հետ 15 տարվա ամուսնության ընթացքում երեխաներ չեն ունեցել: Այդ գիշերը նա խնդրում է հորս նորածին աղջկան (ինձ) կոչել Սուրայա և խոստանում, որ իմ ամուսնության ժամանակ օժիտիս բուրդը ինքն է նվիրելու: Անցան շատ տարիներ, բայց մեր քիրվան այլևս չերևաց, ու խոստումն էլ այդպես մնաց օդում: Անվանս հետ հաշտ լինելուն չէր օգնում անգամ աղբբեջանական ռադիոյով հաճախակի հնչող «Սյուրայա» երգը, որ նվիրված էր հարևան պետության սոցիալիստական աշխատանքի հերոսուհի Սյուրայային (նա բանբակագործ աղջիկ էր): Միևնույն է, ես ողջ կյանքում չսիրեցի այդ անունը՝ չնայած նրան, որ հետո պարզեցի՝ ոչ թե աղբբեջանական, այլ պարսկական ծագում ունի անունս: Հետագա տարիներին շատ եմ փորձել փոխել այն, սակայն ծնողներս համոզել են, որ մարդիկ արդեն ինձ այդ անունով են ճանաչում:

1957 թվականին Ասկերանում կառուցվում է մեր նոր տունը, ու մենք տեղափոխվում ենք այնտեղ (Ասկերանի առաջին բնակիչներից էինք): Ի միջիայլոց, Ասկերանի տարածքը նախկինում նախատեսված է եղել հենց Քյաթուկի բնակիչների համար, որոնք սարից իջնում էին՝ նպաստավոր բնակավայրում ապրելու համար, մանավանդ որ այդ գյուղում խմելու ջրի խնդիր կար (աղի էր ջուրը):

Ծնողներս աշխատավոր մարդիկ էին, քարի ու հողի հետ կռվի տվող:

Հայրս՝ Ռուբեն Իշխանի Ղազարյանը, Քյաթուկից էր, որը հնում շատ զարգացած ու հայտնի գյուղ է եղել Վարանդայում: Այդ բնակավայրից է սերում նաև հայտնի մեծահարուստ, բարերար Միքայել Արամյանցը, որի տոհմից էր հորական տատս՝ Սոնա այան (նախկինում մենք տատիկին այա էինք կոչում):

Մայրս՝ Մանյա Գրիգորի Արզումանյանը, ծագումով խրամորթ գյուղից էր (Ասկերանի շրջան): Մորական պապս գյուղի կոլխոզի նախագահն էր, որը Հայրենական մեծ պատերազմի տարիներին կամավորագրվել է, մեկնել ռազմաճակատ, զոհվել հանուն հայրենիքի ու մնացել անհայտության մեջ առայսօր: Հետո մահացել է և մորական տատս՝ Սիրան մայրիկը՝ վեց որբերին թողնելով 16-ամյա մորս ուսերին:

Մանկությունից հաճախ էի լսում հորիցս, որ Վարանդայի բնակիչներն ավելի զարգացած են, քաղաքակիրթ, քան խաչեցիները (խաչեցի մեկիություն), ու հաճախ էր ձեռն առնելով ասում՝ խըջընեցուց խելք չօնին...

Մայրս շատ բանիմաց կին էր, որին, սակայն, բախտ չէր վիճակվել շարունակել ուսումը դպրոցն ավարտելուց հետո: Շատ ընթերցասեր կին էր, կարդացել էր մեր բոլոր պատմավեպերը և անգիր գիտեր մեր պատմության կարևոր անցքերը: Նրա բառապաշարը համեմված էր մեր ժողովրդական բառուբանով, իմաստաստություններով և կարող էր մրցել ցանկացած բուհ ավարտածի հետ: Հաճախ էր ինձ հարցեր տալիս՝ ստուգելու գիտելիքներս և գոհ էր մնում հիմնականում: Մորիցս բնավորության շատ գծեր եմ ժառանգել՝ անկեղծություն, շիտակություն, ազատամտություն, համառություն, ցանկացած անելանելի վիճակում սթափություն ու ինքնատիրապետում, բարեսիրտություն, ամենասուղ պայմաններում անգամ ուրիշներին ձեռք մեկնելու կարողություն, քաջություն, զսպվածություն, դժվարությունները լուռ հաղթահարելու կարողություն, ծով համբերություն և այլն: Ընթրատությունս նույնպես նրանից ժառանգած «օժիտ» է:



ՄԵՆՔ ԿԱՆՔ. ԲԱՋԵՐԻ ՀՈՐԸ ՄԵՋ Է ՄՊԱՍՈՒՄ...

1 Կարոտ, ցավ, վիշտ, հուզմունք, հույս, հավատ, սպասում, խնդում, ծանոթ ու հարազատ մարդկանց հանդիպելու բուռն մղումներ, մխիթարիչ ու սրտակից խոսք լսելու անհագուրդ ծարավ, երկարատև բաժանման ցավը, կարոտը մեղմելու փափագ, կորուստների ցավից դատարկված հոգիները ընկերակցությամբ թեթևացնելու ակնկալիքներ... Ի վերջո, մայրենի բարբառը վայելելու երջանիկ հնարավորություն: Հոգեկան այս բազմաշերտ տվայտանքների պատճառով էր, որ արցախցիները շտապում էին համալիր՝ հանգցնելու այն հոգեխորով կրակը, որ երկու տարուց ավելի այրում էր նրանց սրտերը: Թվում էր՝ Վերադարձի հրահանգ էր տրվել Վերկից...

Լավ բժիշկ չի եղել ու չի էլ լինելու: Լեփ-լեցուն դահլիճի որոտընդոտ ծափերը չէին դադարում: Կատարվող երգերի ու պարերի հետ միասին երգում ու պարում էին հանդիսատեսները՝ անկախ տարիքից (երբևէ այսքան ուրախություն չէր տեսել մեր ժողովուրդը տեղահանու-



Մենք կանք... Դա մշակութային մի հրավառություն էր, տոն, որն ուներ հստակ մի ուղերձ՝ Վերադարձ:

Մարզահամերգահին համալիրում տեղի ունեցածը երջանիկ առիթ էր՝ իրար զգալու, մոտ լինելու, իրար հետ շփվելու, Արցախը լիովին զգալու համար: Թերևս երախտագիտության բոլոր խոսքերը ի գործում չէին լինի՝ արտահայտելու արցախցիների հոգեկան այն բավարարվածությունը, որ ունեցան այդ երեկոյին:

Շնորհակալություն բոլոր երախտավորներին, որոնց շնորհիվ կազմակերպվեց ու իրականություն դարձավ այդ հրաշալի տոնը, որոնց շնորհիվ կորած սրտերը գտան իրար...

Մենք կանք ու լինելու ենք, ինչ էլ որ պատահի: Արցախը ավագ չէ, որ քշվի ամեն մի պատահական քամուց: Հազարամյակների պատմություն ունեցող Արցախը չի կարող ինչ-որ խաշնարածների կամքով ջնջվել պատմությունից: Մեր պատմության վայրիվեր ճամփաներով մենք հաճախ ենք անցել, սակայն երբեք չի մարել այն կրակը, որ տրված է մեզ ի վերուստ... Մենք կանք ու լինելու ենք պատմության շարունակականության բոլոր խաչողիներում: Քանի կա արցախցու արարող կամքն ու ոգին, արհավիրքներն անգոր են նրա դեմ:

«Մենք կանք» տոնական օրվա պարզևած հաճելի տրամադրությունը մեր խոհեր ու մտորումներ է արթնացնում մեր հոգում: Ցավն ու վիշտն էլ հավերժական չեն, կան ավելի մնայուն արժեքներ, որոնց համար էլ մենք պիտի ապրենք: Այսօր չկա, գու՞ցե լինի Վաղվան Վաղը...

Մի բան պարզ է. մենք կանք, քանի դեռ չի մարել Վերադարձի հույսի կանթերը, քանի դեռ թարմ են մեր նահատակների շիրիմները, քանի դեռ մեր հոգում վառ են հայրենական տան բոլոր հիշատակները, քանի դեռ կանչում են մեր ննջեցյալների հոգիները... Մենք կանք, քանի դեռ մայրենի բարբառով են կարկաչում մեր աղբյուրներն ու զետերը, քանի դեռ հարազատ հովերն են համբուրում մեր խրոխտ լեռները, քանի դեռ հայի հետաքրքիր են կրում մեր լքված վանքերն ու եկեղեցիները, ծորերն ու անտառները, ճամփաներն ու դաշտերը, քանի դեռ մեզ կանչում է պայծառական հողը: Մենք կանք, քանի դեռ կենդանի է մեր ոգին, ու հնչում է մեր երգը, քանի դեռ ապրում են մեր մշակույթը, մայրենի բարբառը:

Թող ման տոնախմբությունները հաճախակի կազմակերպվեն, ու աշխարհն իմանա, որ մենք կանք, եղել ենք ու կլինենք:

Երախտապարտ ենք այն մարդկանց, որոնց ջանքերով իրականություն դարձավ այդ գեղեցիկ տոնը: Ցրտաշունչ այդ օրը ջերմացան մեր պաղ սրտերը, ու հոռի մտքերը տեղի տվեցին:

Դա մեր պայքարի սկիզբն էր՝ մշակույթի միջոցով:

Սպասենք հաջորդ երանելի օրվան:

Սուրայա ՂԱԶԱՐՅԱՆ

Մենք կանք: Այո՛, մենք կանք: Ոչ պատահականորեն ընտրված խորագիր, որ լավագույն է ներկայացնում մեր հավաքական ու համախումբ կամքը: Մարզահամերգային համալիրում «Մենք կանք» մշակութային միջոցառումն էր՝ Արցախի գրեթե բոլոր մշակութային կոլեկտիվների ընդգրկմամբ, որի նախաձեռնությունը պատկանում էր «Արցախյան մշակույթի պահպանման կենտրոն» ՀԿ-ին և «Մունք» տեխնոլոգիան: Միջոցառմանը մասնակցում էին նաև հայաստանյան մշակութային կոլեկտիվներ:

Ժամեր շարունակ վայելում էինք Արցախի ներկայությունը՝ չնայած որոշ արգելքների:

Երբ հնչեց Արցախի երախտավոր զավակ Գուրգեն Գաբրիելյանի հանրահայտ «Հորովել»-ը, արցունքի փոխարեն արյուն հոսեց մեր աչքերից ու անցավ մեր սրտերի միջով: Հուզմունքը զսպել հնարավոր չէր...

Իրիքնակը տյուս ա եկալ, Տանս յրան յուս ա եկալ, Սօր մին կորե վեր վար անինք, Գյիղա՝ սրտես հույս ա եկալ... Հո ըրա, հո, ապուն մատաղ, Ապուն դալու կուծիր հոտաղ, Հո ըրա, հո, հո, հո...

Արցախյան մի ողջ կոլորիտ, որ տարավ մեզ դեպի այն կարոտաբաղձ հեռուները, որի քաղցով տոջորվում են մեր սրտերը:

Ծերբետ ճպատը ճապկե ա, Պենդ չի թխիս եզանը, Բյուրդան մաշկեն ցավ կտա, Էտ ա պահուն խեզանը...

Ահա աս է արցախցու ողջ էությունը, որ խտացված է յուրաքանչյուր տողում, յուրաքանչյուր բառում: Սրտացավությունն է գլխավոր բարդորիչը, որ հոսում է մեր արյան միջով: Հենց դրանով էլ մենք տարբերվում ենք ուրիշներից: Բոլորս սպասում ենք մի Հրաշքի, թե «հի՞ք տյուս կկյա էդ իրիքնակը» (ե՞րբ դուրս կգա այդ արեգակը)...

Մենք կանք: Բոլոր համարները համահունչ էին օրվա խորհրդին ու կատարվում էին բարձր վարպետությամբ:

Արցախցի Այաների իմաստուն մտքերով հասանք մեր դրախտային երկիրը, որ դարձել է «սուրբ նշխար» շան բերանում: Արթուր խաչեցի երգով գնացինք Արցախ, որ «խմինք են ճիրան, սերտս հուվանա, ցավես տիմանա...»: Ցավ, որ բուժում չունի առայժմ: Ասում են՝ ժամանակը բուժում է վերքերը: Ժամանակը երբեք էլ

թունից ի վեր): Հրժվամբը հաղթել էր ցավին: Ծածանվում էին ՀՀ և Արցախի դրոշները մանուկների բացականչություններով: Ապրում էր Արցախը Շուշան Պետրոսյանի, Ներսիկ ու Արաբո Իսպիրյանների, Դավիթ Ամալյանի, Արսեն Գրիգորյանի (Մրո), Վարդան Բաղալյանի, Լյուկայի և մյուսների երգերում, Արա Գևորգյանի «Արցախ» երաժշտության անմուռաց նոտաներում, նախորդ աղջիկների հեզաճկուն պարերում, սեզ ու խրոխտ երիտասարդների հայրենապաշտպան շարժումն էլ մեջ:

Մենք կանք Հրաչյա Բեգլարյանի «Ղարաբաղցին» երգի տողերում՝ միշտ հյուրասեր ու միշտ բարի, արդարադատ, աղուհացի գինը գնահատող: Մենք կանք փոքրիկ Միշայի (այժմ՝ արդեն մեծ) կատարումներում («Փոքրիկ դարաբաղցին»), Աշոտ Բաբայանի դպրոցի ավանդույթները շարունակող Ռաուլ Բաբայանի սաների՝ աշխարհ սասանող հպարտ պարերում: Մենք կանք նաև Արցախի



խոհանոցի ավանդույթներում, արվեստի ու արհեստի տարբեր ճյուղերում:

Ուր էլ լինես, իմ բարեկամ, Դու նրա հետ ընկերացիր, Լավ ընկերոջ համար անգամ Կյանքը կտա դարաբաղցին...

Ճակատագրի քամահրանքով տունուտեղից զրկված բազմավաստակ դարաբաղցին էլի կվերագտնի արարելու իր կամքը, կստեղծի մորը չնչին իսկ հնարավորության դեպքում:

Մենք կանք: Ժամերը առատորեն հոսում էին մեր արցունքների պես, ու վայելում էինք երեկոն՝ տեղահանությունից ի վեր երբևէ այսքան մոտիկ մարդկանց ներկայություն չունենալով: Այդ պահին բոլորս ուժեղ ու երջանիկ էինք զգում մեզ: Ահա թե ինչ գին ունի համախմբումը:

Ամիսներ շարունակ դա մեզ հզոր լիցքեր է հաղորդելու՝ բարձրացնելով մեր ընկճված ոգին:

ՆՈՐ ԱԿԻԶՔ

ՎԵՐԱԾՆԿԱԾ ԸՆՏՈՒՅԹԻ ԱՆԴՐԱՆԻԿ ԸԱՄԵՐԳԸ

Հունվարի 23-ին Երևանում՝ Հովհաննես Թումանյանի անվան ազգային տիկնիկային թատրոնի մեծ դահլիճում, համերգով հանդես եկավ «Արցախի բալիկներ» մանկապատանեկան համույթը: Արդեն 37-ամյա պատմություն ունեցող համույթը 2023թ. ողբերգական դեպքերից հետո բռնի տեղահանվել էր հայրենի Արցախից: Թվում էր՝ արդեն վերջ՝ համույթն այլևս չի կարող գործել: Սակայն Մոսկվայում գործող «Դիալոգ» հասարակական կազմակերպությունը, ինչպես աջակցեց Արցախի մի շարք մշակութային կառույցների, այնպես էլ իր հովանավորության տակ առավ մանկապատանեկան համույթը: «Դիալոգ»-ի նախագահ Յուրի Նավոյանի և համույթի ղեկավար տատկան ղեկավար Գայանե Հարությունյանի հանդիպումից հետո «Արցա-

1994թ. «Արցախի բալիկներ»-ին է միացել կոմպոզիտոր Էդուարդ Ղազարյանը, որի ստեղծագործությունները հեմասյուն են դարձել համույթի հետագա գործունեության համար: Բելգիայի «Ամառեռու» ստեղծագործական կազմակերպության նախաձեռնությամբ Ստեփանակերտում կազմակերպված պատանի երաժիշտ-կատարողների մրցույթ-փառատոնին մասնակցելով՝



համույթն արժանացավ «Գրան-պրի» մրցանակի և ոսկե մեդալի՝ Էդ. Ղազարյանի «Իմ Ղարաբաղ» ստեղծագործությամբ, Գայանե Հարությունյանի խմբավարմամբ: Գ. Հարությունյանը, ով 1998-ից համույթի խմբավարն էր, 2008-ին նշանակվեց ղեկավարված ստանդարտական ղեկավար: «Արցախի բալիկներ»-ն այդ ժամանակվանից համերգներով հանդես է եկել նաև արտերկրում: Իր խոսքում համույթի ղեկավար Գ. Հարությունյանը, հակիրճ ներկայացնելով համույթի անցած ուղին, նշեց. «Այսօր այս ամենը հնարավոր չէր իրագործել առանց մի մարդու, ով հավատաց, վստահեց մեզ և հնարավորություն ստեղծեց՝ նորից հնչի «Արցախի բալիկներ»-ի ձայնը»: Շնորհակալություն հայտնեց Յուրի Նավոյանին, ով կանգնած է Արցախի մշակութային խմբերի ու անհատների կողքին ու աջակցում է նրանց վերակազմավորվել ու շարունակել գործել: Նաև շնորհակալագիր հանձնեց աջակցի՝ «Արցախի բալիկներ»-ի կողմից հայտնելով երախտագիտություն: Ներկաներին ողջունեց նաև Յուրի Նավոյանը՝ ասելով. «Մեծ ճանապարհի սկզբին եմք, ու «Արցախի բալիկներ»-ի առաջին ելույթն է, որը հուզիչ արարողություն է և մեծ հույզեր է պարունակում: Երեկոն նաև առանձնահատուկ խոր-

հուրդ էլ ունի, որովհետև այսօր ելույթ է ունենալու մի սերունդ, որը ծնունդ է առել 5- 10-15 տարի առաջ՝ Արցախի մայր հողում: Եվ ծնված օրից ներծնված է Արցախյան բազմադարյան մշակույթով, բառ ու բանով, կոլորիտով: Իսկ յուրաքանչյուր բալիկ Արցախյան յուրահատուկ պատմական կող է՝ հասկանալու մեր պատմությունը, մեր ներկան ու ապագան՝ լուսավոր հայացքով: Ինչո՞ւ, քանի որ նրանք կապող օղակ են, կամրջող են սերունդների միջև՝ սկսած 1989 թվականից: Եվ երկրորդ՝ նրանք կապող օղակ են Արցախի ժամանակակից պատմության տարբեր փուլերի: Պատահական չէ, որ վերակազմավորված «Արցախի բալիկներ»-ի երևանյան ելույթն սկսվում է «Արցախի կանչը» խորագրով՝ իր քաղաքական, պատմական առումով»: Յու. Նավոյանը նաև շնորհակալություն հայտնեց Գ. Հարությունյանին՝ իրենց համագործակցության ու նվիրումով աշխատելու համար: Համերգն սկսվեց «Ղարաբաղի հորովել» երգով: Ընթացքում հնչեցին նաև «Ղարաբաղ-ցին», «Կալի երգ», «Խբեցեց, հրեցեց», «Աղե արկանք», «Հըրսանեք», «Դերունց ծորում», «Նախշուն բաջի», «Կենաց երգ», «Շեղաց», «Հընգեր», «Մեր այլուղը», «Ղարաբաղ իմ», «Արցախ» և այլն: Համերգին ներկա էին ՀՀ Թատերական գործիչների միության նախագահ Հակոբ Ղազանչյանը, «Արցախ» ջազի ղեկավարված ստանդարտական ղեկավար Տիգրան Լալայանը, Ստեփանակերտի Վահրամ Փափազյանի անվան պետական դրամատիկական թատրոնի ղեկ. ղեկավար Ռուզաննա Խաչատրյանը, Էդ. Ղազարյանից հարազատներ, մշակույթի այլ գործիչներ, արցախցիներ, հյուրեր: Հանդիսատեսը մեծ ոգևորությամբ ըմբռնեց արցախցի մանուկների ելույթը: «Դիալոգ»-ի աջակցությամբ թատրոնի ճեմատրահում կազմակերպվել էր նաև արցախցի ստեղծագործողների ձեռքի աշխատանքների ցուցահանդես-վաճառք: «Արցախի բալիկների»-ի ձայնը դեռ պետք է հնչի տարբեր բեմերում՝ ավետելով աշխարհին, որ կա մի փոքրիկ երկիր, որի բալիկներն էլ կոչվում են «Արցախի բալիկներ»:



խի բալիկներ»-ը վերակազմավորվեց և սկսվեցին պարապմունքները: Եվ ընդամենը 2 ամիս անց «Արցախի բալիկներ»-ը Երևանում բեմում են: Մինչ համերգի սկսելը՝ հաղորդավարը հակիրճ ներկայացրեց համույթի անցած ճանապարհը: «Արցախի բալիկներ» մանկապատանեկան համույթը կազմավորվել է Արցախի համար բարդ ու պատերազմական շրջանում՝ 1989 թվականին՝ Սերգեյ Հարությունյանի ջանքերով: Ժամանակին համույթի կազմում են իրենց երաժշտական առաջին քայլերը կատարել Անդրեն, Ռազմիկ Ամյանը, Վարդան Բաղայանը, Պարույր Գրիգորյանը, Տաթևիկ Բալայանը, այլք:

ԻՆՔՆԱՉՐՈՒՅՑ ԻՆՔՆԱԿԵՆՍԱԳՐՈՒԹՅՈՒՆ

Չ օղջ կյանքը ընտանիքին ու վեց զավակներին (4 տղա, 2 աղջիկ) նվիրաբերած մայրս միշտ մնաց չզնահատված ու կանացի երջանկությունից զուրկ մի էակ: Շատ դառնություններ տարավ, երկու որդիների կորուստ տեսավ (20 տարեկան, 28 տարեկան), Արցախյան առաջին պատերազմի ծանր տարիները «ճաշակեց» և 75 տարեկան հասակում լքեց երկրային կյանքը ծանր հիվանդության պատճառով՝ խոր ցավ պատճառելով բոլորին: Կրթության, գիտության, ընտանիքի մասին նրա բոլոր երազանքները ես փորձել եմ իրագործել՝ ողջ կյանքում ուղեկցվելով նրա բարի և իմաստուն խորհուրդներով: Հորիցս ժառանգել եմ (չզարմանաք) խռովկանությունը, ամեն չնչին բանից շուտ վիրավորվելու հատկությունը և իրասածի լինելը: Շատ պարզ հիշում եմ, որ մանկության տարիներին շատ շուտ վիրավորվում էի ու խռովում (առաջինը ես չէի հաշտվում), կամ եթե ինչ-որ բան էի ուզում, մինչև նպատակիս չհասնեի, չէի խաղաղվում: Հայրս նահապետական սովորություններով ապրող, խիստ բնավորություն ունեցող մարդ էր և ուզում էր, որ միշտ իրենը պնդի, իսկ մայրս առաջադիմական հայացքներ ուներ ու զիջում էր նրան:

Իմ պատկերացումները դպրոցական կրթության մասին Ո՞վ է կարևոր դեր խաղացել իմ կյանքում

1958 թվականին հաճախել եմ Ասկերանի 8-ամյա դպրոցի առաջին դասարան: Առաջին ուսուցչուհիս եղել է երջանկահիշատակ Հասմիկ Նահապետյանը, որը խոր հետք է թողել իմ հետագա կյանքում: Մաշտոցյան գիրը ծաղկում էր նրա հրաշագործ ձեռքերի տակ: Շատ սիրուն ձեռագիր ուներ և մույնը պահանջում էր իր սանդուխտ: Համբարատար ու նվիրյալ ուսուցչուհի էր, չէր զլաճում կամ հոգնում մի բանը հազար անգամ կրկնելուց: Ոչ միայն գեղեցիկ էր գրում, այլև նկարելու, ասեղնագործելու մեծ ծիր ուներ, ինչն էլ փոխանցել է մեզ: Նկարչության ժամին գրատախտակին նրա նկարած ծիտը մեզ թվում էր՝ ուր որ է կթռչի նրա ձեռքի տակից: Վառ հիշում եմ մի դեպք: Գեղեցիկ ձեռագրերի ցուցահանդես էր կազմակերպված, և նա որոշել էր իմ գրավոր աշխատանքները ներկայացնել: Դասերից հետո հրավիրեց իրենց տուն, գնացի: Երկու-երեք անգամ գրեցի, չհավանեց: Տակիս բարձր դրեց, որ սեղանն ինձ համար հարմար լինի, ու ստացվեց իր ուզածի պես: Նրա կերպարը մինչ օրս փարոսի պես լուսավորում է իմ հիշողության անդամները: Հենց նրա շնորհիվ ես մասնկուց որոշեցի մանկավարժ դառնալ ու փայլալից այդ նվիրական երազանքը մինչև կարողացա ավարտել: Ընկեր Նահապետյանը մի լուսավոր աստղ դարձավ իմ հուշերի երկնականարում: Եթե դառնալ մանկավարժ, ապա միայն նրա նման նվիրյալ ու անձամոծիր:

Միջին դասարաններում, երբ ավելացան նոր առարկաներ (Ֆիզիկա, քիմիա, աշխարհագրություն ...) , դրանք դասավանդում էին բառիս բուն իմաստով «չոր» մանկավարժներ, ինչի պատճառով էլ կորցրի հետաքրքրությունս այդ առարկաների հանդեպ ու հակվեցի դեպի հումանիտար գիտություն:

Անցյալ դարի 60-ականներին Ասկերանի 8-ամյա դպրոցը հմուտ ղեկավար, լուսահոգի տնօրեն Մանյա Ղուլյանի շնորհիվ հռչակված էր որպես լավագույն կրթության՝ իր նվիրյալ մանկավարժներով: Որոշեցի ընդունվել Շուշիի մանկավարժական տեխնիկում, փաստաթղթերս պատրաստեցի՝ նպատակ ունենալով նաև անվանափոխություն կատարել: Մի օր հայրս աշխատանքից վերադարձավ և հայտարարեց, որ չեմ գնալու Շուշի, այնտեղ շատ թուրքեր կան... Երազանքս մնաց օդում:

1966թ. տեղափոխվեցի Խանաբաղի (հետագայում՝ Խնավատ) միջնակարգ դպրոց՝ կրթությունս շարունակելու: Այդ շրջանում ուսման հանդեպ հետաքրքրությունս 100 տոկոսով կտրուկ շրջադարձ կատարեց: Սկսեցի շատ լավ սովորել ու շատ կարողալ հանձնարարված ու չհանձնարարված արտադասարանական ու ծրագրային գրականություն: Անկեղծ լինեմ ու խստովանեմ, որ իմ լավ սովորելուն նպաստել է նաև Ասկերանի տնօրեն Մանյա Ղուլյանի աղջկա՝ Ռաիդայի հետ ընկերությունը: Ամեն օր միասին էինք դպրոց գնում և դասերից հետո միասին էինք դաս սովորում, մի օր՝ մեր տանը, մի օր՝ իրենց տանը: Ցավոք, դպրոցն ավարտելուց հետո ես նրան այլևս չտեսա: Ընդունվեց Երևանի բժշկական ինստիտուտ, ամուսնացավ սփյուռքահայի հետ ու տեղափոխվեց ԱՄՆ՝ այլևս հնարավորություն չուներնալով երբևէ հայրենի տուն վերադառնալ:

ՄԻԶՈՅԱՌՈՒՄ ՀԱՆԴԻՊՄԱՆ ԵՎ ՀԱՄԱԽՄԲՄԱՆ

1 Զամերգից հետո էլ շատ այցելուներ հետաքրքրվեցին դեռևս պահպանված ցուցադրություններով: Մինչ միջոցառման կայացումը, լուսանկարների ցուցադրությունը կազմակերպելու համար հանդիպեցի «Արցախյան մշակույթի պահպանման կենտրոն» ՀՀ նախագահ Ապրես Մարգարյանին, որի հետ դեռ ծանոթ եմ Արցախից: Կարևորվեց նաև լուսանկարների, Արցախի տարբեր բնակավայրերի մշակույթի դպրոցների, կենտրոնների սաների ձեռքի աշխատանքների, նկարների ցուցադրությունը: Միջոցառման կազմակերպիչներից Աշոտ Ավանեսյանը, օրվա հետ կապված, իր ֆեսթիվալային էջում նախօրոք գրել էր. «Ավելի քան 10 մշակութային կոլեկտիվներ տեղահանությունից հետո սկսել են ստեղծագործել ՀՀ-ում: Նրանցից շատերը իրենց հետ տարահանել են բեմական հագուստն ու երաժշտական գործիքները և դժոխքի միջով անցնելուց ընդամենը 10 օր անց՝ արդեն բեմի

վրա էին»: 2023թ. սեպտեմբերի վերջերին բռնի տեղահանված արցախցիները շատ բան չէին կարող վերցնել հետները: Ու մշակույթի մարդիկ առավել կարևորել են հենց մշակութային իրերը: Այժմ Երևանում իրենց գործունեությունն են շարունակում նաև Ստեփանակերտի Վահրամ Փափազյանի անվան պետական դրամատիկական թատրոնը, «Արցախի բալիկներ» համույթը, «Արցախ» ջազը, որոնց վերակայացումը հովանավորել է «Դիալոգ» հասարակական կազմակերպությունը:

Օրվա ընթացքում հանդիպեցի արցախցի շատ մտավորականների, պետական ու քաղաքական, հասարակական գործիչների, որոնց հետ ծանոթ էի Արցախից: Հիշում եմք անցած օրերն ու ցավում ենք վիճակի համար: «Գուրգեն Մելիքյանի՝ Քաշաթաղի բազմազավակ ընտանիքներին հիմնադրան»-ի նախագահ, Արցախի մեծ բարեկամ Գուրգեն Մելիքյանը համերգին եկել էր ընտանիքի հետ: Շատ կարևորեց կայացող միջոցառումը: Սպասեմք հաջորդ համախմբմանը:



Զ. ԸՈՒՅՍԱՆ

ԱԶԳԱՅԻՆ

ՀԱՅԻ «ԵՏԵ» ԽԵԼԸ Կամ ՀԱՅԱՍՏԱՆԸ՝ ՄԻՋՈՒԿԱՅԻՆ ՏԵՐՈՒԹՅՈՒՆ...



Այս հարցազրույցը Արցախյան շարժման Առաջնամարտիկ, գրող, բանասիրական գիտությունների դոկտոր, պրոֆեսոր, երջանկահիշատակ Վարդան ՀԱԿՈՒՅԱՆԻ հետ արվել է 2016 թվականին՝ ապրիլյան պատերազմից հետո: Ցավոք, 2016թ. «Լուսարար»-ի էլեկտրոնային տարբերակը չի պահպանվել թերթի կայքում, բայց բարեբախտաբար նյութերի մի մասը մնացել է մեր արխիվում, որոնցից մեկն էլ հիշյալ հարցազրույցն է: Կարծում ենք՝ նրանում բարձրագույն հարցերը չեն կորցրել այժմեականությունը:

- Պարոն Հակոբյան, դարաբաղա-արդրեջանական հակամարտության տևական «սառնեցման» ֆոնին քառօրյա պատերազմը օրինաչափություն էր համարում, թե՛ դա արտաքին ուժերի հրահրումով էր:

- Թշնամու պահվածքը, բնույթը, որակը, տեսակը մշտապես մեզ պահում են այն մտքի վրա, որ ուր որ է՝ հարձակումը պետք է տեղի ունենա: Խորհրդային տարիներին, երբ կեղծ բարեկամության քարոզներով էինք «կապված», թուրքը դարձյալ սպանում էր, գողություն էր անում: Դա նրա էությունն է: Այս առումով ապրիլյան ահաբեկչությունն օրինաչափ երևույթ է համարում: Իսկ ինչ վերաբերում է արտաքին հրահրմանը, հորդորներին, ապա դա ևս չի բացառվում: Արդրեջանի բերանում լեզու դնողը թուրքի է, մուսուլմանական մի շարք պետություններ, որոնք դրոյում են նրան նման քայլերի:

Ռուս-թուրքական հարաբերությունները վարված են հիմա: Սիրիայում Ռուսաստանը վերջերս մեծ դերակատարություն ունեցավ: Թուրքիան, որ Սիրիան դիտում է որպես իր սահմանների ծավալման պոտենցիալ տարածք, Ռուսաստանից վրեժ լուծելու նոր ճակատ է Արցախում բացում, և Արդրեջանի դեկլարությունը ենթարկվում է այդ սաղարաններին՝ չնտածելով իր ժողովրդի մասին:

Փաստորեն ապրիլի սկզբին նոր եղեռնի փորձ էր մեր ժողովրդի նկատմամբ, որի ակունքում դարձյալ թուրքիան է: Միայն մեզ հետ չեն այդպես վարվել: Այսօր թուրքն է գոհ գնում այդ երկրում: Վուդրո Վիլսոնը անցյալ դարի 20-ական թթ. իր Իրավարար ծրագրով հանդես գալով՝ թուրքերին անվանել է ավազակախմբեր: Եվ հիմա, երբ արդեն Իսլամական պետությունն է Սիրիայի դեմ պատերազմ սկսել՝ ցանկանալով նրա հողերում պետություն հիմնել, առաջնորդվում է թուրքերի օրինակով: 21-րդ դարի էլ, նրանից առաջ, նույն ձևով թուրքերն են վարվել, ամրացել մեր հողերում: Նրանք հիմա և՛ պետություն են, և՛ անգամ ՄԱԿ-ի ու ՆԱՏՕ-ի անդամ են: Անցյալ դարի 18-20-ական թվականներին էլ Արդրեջանն է իբրև պետություն կազմավորվել Լեռնի թեթև ձեռքով: Ազերիները սկզբում ներկայանում էին իբրև Կովկասի թաթարներ: Եվ միայն 1936թ.՝ Ստալինի հատուկ հրամանով կոչվեցին ադրբեջանցիներ... Այն ժամանակ Ադրբեջանը մի շարք ազգեր միավորող «պետություն» էր:

Մի «ազգ», որի անվան կնքահայրը Լեռնին ու Ստալինը լինեն, նրա տեղը միայն դամբարանն է. Լեռնի մոտ:

- Ամեն մի իրադարձություն, հատկապես եթե այն ժամը հետևանքներ է բերել, որոշակի դաս է պարունակում: Ո՞րն է, Ձեր կարծիքով, ապրիլյան պատերազմի գլխավոր դասը:

- Ապրիլյան ահաբեկչությունը (այո՛, պատերազմ չէր դա) մեկ անգամ ևս մեզ սպառնացում է, որ մեր ժողովուրդն անպարտելի է: Սա

ես չեմ ասում որպես ինքնագովություն մեր ազգի, մեր ժողովրդի: Սահմանի վրա կանգնած մեր 18-20 տարեկան տղաները հերոսություն են կատարել: Նրանք մինչև իրենց արյան վերջին կաթիլը պայքարել են: Անգամ եթե փանփուշտը չի հերիքել, նրանք գոտեմարտի են բռնվել, թշնամուն տապալել: Եվ եթե նրանք իրենցով կենդանի պատ չստեղծեին, մեծ ավերակներ կլինեին: Փառք մեր զինվորին: Բայց կա նաև հարցի մյուս կողմը: Ինչու՞ մենք անակնկալի եկանք՝ անակնկալի չգալով հանդերձ: Ինչու՞ չկանխվեց դա ժամանակին:

Այո, մեր առավելությունները մենք լավ գիտենք, բայց առավել հստակ պիտի տեսնենք նաև մեր այն բացասական կողմերը, բացթողումները, որոնք պետք է շատ արագ վերացնել: Ուրիշի չդիմեն: Թույլ տվեք ինձ հետ մի քիչ խոսել: Որտե՞ղ ես անգույշ եղա, որ նեղաբարթ թշնամին երես առավ, ինչու՞ միայն ժամեր հետո սահմանապահի ահազանքը տեղ հասավ, ինչու՞ բոլորս պատրաստ չէինք նման սադրանքի, չէ՞ ո՞ր դա սպասելի էր ամեն վայրկյան... Ինչու՞ ես չեմ կարողացել, թերևս, անկախության տարիներին, իմ պետությունը, իմ երկիրը գերժամանակակից միջոցներով զինել այնպես, որ նրա հետ ստիպման լինեն հաշվի մատել և՛ նեղ թշնամին, և նույնիսկ մեծ տերությունները: Թեև, ի վերջո, մեր ունեցած սպառազինությունն այսօր էլ հերիք է ամբողջ Ադրբեջանը հողի երեսից ջնջելու համար:

Որպես դաշնակից՝ Ռուսաստանն իրեն վերստին չդրսևորեց արժանի ձևով, նա մեր պատմության քառուղիներում մշտապես տանողի է գտնվել մեր հանդեպ, ինչպես, սասնք, Արևմտյան Հայաստանի հարցում, և նորից նույն վերաբերմունքը դրսևորում է: Եվրասիական տնտեսության անդամ երկրների վարչապետների հերթական նիստը պիտի լինի Երևանում, չեղավ, վայրը, իբր ապրիլյան ահաբեկչությունների պատճառով, տեղափոխվեց Մոսկվա, որ Ադրբեջանը հանկարծ այդ հավաքին «ձուռ աջքով» չնայի, չենդանա, մասնավոր այդ հարցում կարևորվեց հայրիս հանդեպ միշտ «ձախ» տրամադրված Ղազախստանի ծայրը: Այսինքն՝ նորսուլթանի ժամը: Եվ մի քանի օր դրանից հետո Ռուսաստանի և Հայաստանի անվտանգության ոլորտի ղեկավարների նիստը, որ կայացավ Երևանում, որևէ հայտարարությամբ հանդես չգալուց հրաժարվեց: Ասել է թե՛ քամահրանքով են մոտենում Հայաստանին, որը, ինչ խոսք, շատ վիրավորական է: Եվ ահա որոշ ժամանակ անց Բաքվում կայանում է քաղաքակրթությունների ընդլայնված ֆորում: Թե՛ վայրենաբար Ադրբեջանն ի՞նչ կապ ունի քաղաքակրթության հետ, մնում է քարտուղ: Երբ ԻՊ-ն է ահաբեկչություններ կատարում, աշխարհի մեծ տերությունները միաբանվում են այդ պետությունը ոչնչացնելու համար, երբ այդ ահաբեկչությունը Ադրբեջանն է անում, բավարարվում են լավագույն դեպքում մեկ-երկու հայտարարությամբ:

Մենք պիտի այս ամենից ճիշտ հետևություններ անենք՝ դառնալով այնպիսի տերություն, որ ստիպված լինի աշխարհը մեզ հետ հաշվի մատել: Եվ մեզ կհարգի նաև մեր դաշնակից Ռուսաստանը: Բայց մեզ ո՞վ է ասել, թե այժման շատ հավատարմ ռուսին, որ հիմա այսպես խորը հիասթափվենք: Թուրքիան գեներ է մատակարարում ԻՊ-ին՝ այդ ավազակախմբերին, որպեսզի նրանք պայքարեն Սիրիայի դեմ, Ռուսաստանը Թուրքիային մեղադրում է դրա համար, սակայն նույն ձևով Ռուսաստանն ինքն է գեներ մատակարարում Ադրբեջանին, և Ադրբեջանը կռվում է մեր դեմ: Ի վերջո, պարզ է, իհարկե, որ Թուրքիայի և Ադրբեջանի սադրանքն ավելի շատ ուղղված է Ռուսաստանի դեմ: Ռուսաստանը մոռացել է, որ թուրքերը կես միլիոնից ավելի ռուսների մեկ կազմով կոտորել են հենց միայն Շամխորում՝ անցյալ դարում: Որպես Ռուսաստանի դաշնակից՝ ներքին ցավ ենք ապրում, որ նա չի տեսնում, թե ինչպես է իր հետ Ադրբեջանը «խաղ խաղում»:

Եվ քառօրյա ահաբեկչության, և՛ եղեռնի, և՛ մեր բոլոր մյուս ողբերգությունների գլխավոր դասն այն է, որ մենք պետք է հավատանք ինքներս մեզ և պետք է զինվենք ավելի, ավելի ու ավելի:

Երբեմն սնամարտության հասնող մեր ինքնահավանությունը մեզ ավելի է վնասում, քան թուրքը: Ոգին՝ ոգի, ուժը՝ ուժ, սերը երկրի հանդեպ, մեր հողի հանդեպ՝ սեր, բայց մեր ժամանակներում պատերազմի Աստվածը գեներ է: Ձենք, որ մենք ունենք: Եթե մենք զգոն ու պատրաստ լինեինք, այնքան ջահելներ չէին գոհվի: Աշխարհագրական այսպիսի պայմաններում, թուրքերով շրջապատված, այսպիսի լարվածության մեջ գերժամանակակից գեներ չկիրառել՝ նշանակում է դատապարտված լինել ոչնչացման: Սա արդեն օրվա հրամայականն է: Այլապես անդառնալի կորուստներ կունենանք:

Այլ ելք չունենք: «Սուրճ ու զնդան պիտի լինես, ճշմարտություն չկա ուրիշ»: Սա Իսահակյանի խոսքն է: Մեր այսօրը մեր արյունոտ պատմության բոլոր օրերի կրկնությունն է, ցավոք. նույն յաթաղանը միշտ բարձրացված է մեր գլխին: Իսկ մեր փրկությունը մեր միջուկային գեներն է: Դեռ մեր պապերն են ասել՝ թուրքի հետ ընկերություն արա, բայց մահակը ձեռքից մի գցիր: Մահակը որ ձեռքից լինի, թուրքը լավ «ընկերություն» կանի, ոտնամատներդ էլ կլիզի:

Մենք պիտի լինենք ամբողջական, միասնական: Ելիթը մի լավ խոսք ունի, ասում է՝ բարոյականության մասին շատ ենք խոսում, ինչու՞, որովհետև ամենաշատ բացակայողը բարոյականությունն է: Հիմա միասնականության մասին շատ ենք խոսում, բայց շատ խոսելը դեռևս միասնականություն ապահովել չէ: Ինչու՞ պիտի միայն ծանր պահին միավորվենք: Միասնականությունն այն է, որ և՛ սահմանի վրա կանգնած զինվորը, և՛ այստեղ՝ Ստեփանակերտում, և՛ մեկ ուրիշ երկրում ապրող հայը, բոլորս մայենք մի ուղղությամբ: Ես կարծում եմ՝ ժամանակն է, որպեսզի և՛ Ամերիկայում, և՛ Ֆրանսիայում, և՛ Հայաստանում, և՛ Ռուսաստանում, և՛ Ղարաբաղում, ամենուրեք, ուր կա թեկուզ տասը հայ, նրանք համար պետք է անպայման դասընթացներ կազմակերպվեն ռազմական գործի, զենքի օգտագործման:

Մենք բոլորս պիտի լինենք մախ և առաջ գիմվոր՝ զինվոր-բանաստեղծ, զինվոր-շինարար, զինվոր-բժիշկ, զինվոր-գիտնական, այո՛, առաջին հերթին՝ զինվոր, այլապես մենք գոյություն չենք ունենա: Միակ ելքը սա է: Մենք օր օրի մվազում ենք ցորմահակի պես, քոչվորները մոլախոտերի մասն բազմանում ու մեզ օղակում են բոլոր կողմերից: Շատ էական ու բացառիկ կարևոր է ծնելիության մակարդակի շեշտակի բարձրացումը՝ պլանավորված ձևով:

Ապրիլյան ահաբեկչությունը պիտի հստակ ուղղուններ մտցնի մեր պահվածքի, անհետաձգելի անելիքների մեջ: Ես, բնականաբար, չեմ կարող ռազմական գործի վերաբերյալ դատողություններ անել, բայց գտնում եմ, որ այդ ասպարեզում Արցախն ունի պատերազմի բովի անցած երևելի մասնագետներ, բանակը ղեկավարող ու ընդհանուր գործընթացներին ուղղություն տվող տաղանդավոր ու փորձառու գեներալներ՝ հրամանատարից մինչև գերագույն հրամանատար: Նրանք, պարզ է, արդեն արել են համապատասխան վերլուծություններ ու անհրաժեշտ հետևություններ:

Մենք՝ ՀՀ և Արցախի գրողների միությունները, Հայաստանի և Արցախի նկարիչների միությունները, Արցախի ժուռնալիստների միությունները և «Կաճառ» գիտական կենտրոնը, հանդես ենք եկել հիմնադրամ ստեղծելու առաջարկությամբ: «Ազգային տուրք՝ հայոց զինուժին», ինչպես ժամանակին հրեաներն են արել: Աղբյուր Սերոբն է ասել, որ ավելի լավ է սոված մնալ, քան թե գեներ չունենանք: Մենք ունենք գեներ, բայց գերժամանակակից գեներ միշտ էլ պիտի լինի ավելի, քան կա... Մեր օրինակը մեզ նման եղեռն տեսած, մեզ նման բնական ռեսուրսներից «երես չառած», այսօր արդեն հզորացած Իսրայելը պիտի լինի, որին ոչնչելի չի զիջում հայերիս արարման հանձարը:

Ամփոփելի փաստ է, որ մեր ժողովրդի նվաճումները անկախության շրջանում մեծ են ու անուրանալի: Դա բոլորն են տեսնում: Ամանավանդ վերջին տարիներին կատարված ան-

նախադեպ է: Սակայն անցյալ դարի 90-ական թվականներին Հայաստանում և Արցախում ռազմավարական նշանակության շատ օբյեկտներ, ինչպես և հողի հարուստ ռեսուրսները ոչ միայն պետությանը չմնացին կամ ժողովրդին, այլ բաժին դառան մի շարք անհատների ու իշխանավորների: Արդյունքում ստացվեց այնպես, որ ունենք ոչ հարուստ հասարակություն, ոչ անհրաժեշտ չափով հարուստ պետություն:

Հարուստ է լինում այն պետությունը, որ ունենում է հարուստ և ունևոր հասարակություն: Բայց եթե ունևորների մեջ ամենահարուստը պետությունը չէ...

Արևմտյան Հայաստանում են ժամանակին եղել ամենահարուստ հայերը: Նրանցից մեկի տուն-ապարանքը հիմա Երդողամի համար նախագահական նստավայր է: Բայց ժամանակին այդ հայերը, ինչպես կարգն է, փանփուշտով չեն ապահովել Անդրամիկին, Նժդեհին, մյուսներին: Առաքելոց վանքում Անդրամիկն իր զինվորներով ամրապնդել, պայքարեց, և երբ փանփուշտները վերջացան, ստիպված հեռացավ: Այսինքն՝ մեր հարստությունը, ինչպես ժամանակին Ռաֆայել Պատկանյանն է մշել իր բանաստեղծության մեջ, կորած է, եթե դա չի ծառայում մեր ժողովրդին:

Մենք պետք է ունենանք նաև ազգային ծրագիր: Յուրաքանչյուր գործողություն պիտի համաձայնեցված լինի հայերիս մեջ, այդ գործողություններում անհրաժեշտ է, որ լինի ներքին համերաշխություն, ներդաշնակություն: Եվ այս դեպքում մենք բավականին կշահենք:

- Այն կարծիքն էր, որ ԵԱԿ4 Միակի խումբը սպառել է իր հնարավորությունները լիարժեք միջնորդական առաքելություն իրականացնելու համար:

- Ես խորապես հիասթափված եմ ԵԱԿ4 Միակի խմբի գործունեությունից, որովհետև նա ստանձնել է մի դերակատարություն, որը չի կատարում: Վերջերս, ճիշտ է, կարծես ինչ-որ տեղ փորձում է հասցեական դարձնել իր խոսքը, բայց ոչ այնքան շեշտված ձևով: Բանակցային գործընթացը տիկնիկային թատրոն է հիշեցնում՝ բեմից դուրս: Կարծես միայն գալիս-գնում են:

Դեռևս խորհրդային տարիներին համաժողովրդական քվեարկությամբ մենք դուրս եկանք Ադրբեջանից: Սովետն էր, որ Արցախը կցեց հայերի, թալիշների, լեզգիների, ուրիշների հողերի վրա հորինված Ադրբեջան պետությանը: Դաշտային Ղարաբաղը ամբողջապես հելուզվեց ազերական օղակների մեջ, մեր պատմական տարածքները կուլ գնացին քոչվոր ցեղերին: Լեռնիյան կուսակցության գլխավորությամբ կատարվեց սպիտակ եղեռն: Իսկ հիմա, երբ սովետը չկա, էլ ի՞նչն է մեզ «կապում»: Ժողովրդավարական բոլոր քայլերը մենք պահպանել ենք: Եվ Ղարաբաղն այժմ կայացած պետություն է: Երբ նախում են աշխարհի պետությունների համաստեղությունը, տեսնում են, որ ԼՂՀ-ն շատ ավելի ժողովրդավար է:

- Կիսու՞մ եք այն կարծիքը, որ Արցախի և Հայաստանի, առհասարակ, անվտանգության միակ երաշխավորը բանակն է:

- Ես միշտ տեսածել եմ, որ մենք ոչ միայն ուժեղ ենք, այլ ավելի քան ուժեղ ենք: Այսօր էլ ես այդ հավատը պահում եմ: Հայաստանի, Արցախի ոչ միայն անվտանգության, այլև գոյության միակ, կրկնում եմ՝ միակ, երաշխավորը հայոց բանակն է, որով հպարտանում ենք: Ռազմական սխրագործությունը հայի գեների մեջ կա ի սկզբանե: Մեր բանակում ընդգրկված են բավականին բարձրակարգ մասնագետներ: Եվ զինական կարողություններով, և՛ ներքին ներուժով, և՛ ստաղանդով, իսկապես, հայերը առանձնացել են բոլոր ազգերի մեջ: Սա մեր առավելությունն է: Հայոց հանձարը հիմա մեր շարքային զինվորների ու գեներալների մեջ է: Մենք պիտի այդ առավելությունն օգտագործենք ի շահ մեր ժողովրդի: Պիտի մեր բանակն ավելի ու ավելի պաշտպանունակ դարձնենք: Ամենաբարձր աշխատավարձը մեր երկրում պետք է ապահովվենք առաջին հերթին զինվորականների համար: Նրանց պիտի տալ բարձր արտոնություններ: Մարդիկ իրենց կյանքն են տալիս հայրենիքի

ԲԱՆԱԶԵՎ

ՂԱՅԻ «ԵՏԵ» ԽԵԼԸՆ ԿԱՆՎԱՍՏԱՆԸ՝ ՄԻՋՈՒԿԱՅԻՆ ՏԵՐՈՒԹՅՈՒՆ...

համար, սա մեր ժողովրդի, հայի ամենամեծ հատկանիշն է, մեր փոքրիկ ազգի որակական ոսկե միջուկը: Մենք սա պիտի պահպանենք, սենք մեր երակներով, շատ ավելի հզորացնենք:

Մեր հայրենիքը պիտի լինի աշխարհի ամենաարդար երկիրը:

Մենք, այո՛, փոքր երկիր ենք հիմա: Մեր երազած Հայաստանը ունենալու համար պետք է առաջին հերթին երաշխավորը լինենք մեր ժողովրդի անվտանգության: Եթե մենք չկարողացանք դա անել, ապա մեր մնացած զարգացումները՝ շենքեր կառուցել, մշակույթ ստեղծել և այլն, և այլն, անօգուտ բաներ են: Գերժամանակակից զենքն է բոլոր հարցերի լուծման բանալին:

Անկախ նրանից, թե քո դաշնակիցն ինչպիսին է, դու պիտի հույսդ քեզ վրա միայն դնես: Դարերի ընթացքում մենք այնտեղ, որտեղ մեր հույսը, ապավենը մենք չենք եղել, տանուլ ենք տվել, հիասթափվել ենք: Վերջում հասկացել (հայի ետի խելքով), որ որտեղ էլ մայրում ենք, մեր բարեկամը միայն մեր ներսում է, ինքներս ընդ մեր բարեկամը:

- Ո՞րն եք տեսնում մտավորականության դերը իրադարձությունների ներկա և հետագա զարգացումներում:

- Ես կարծում եմ, որ երկրի սերունդը մշտապես դիտվել է մտավորականությունը: Թուրքիան, երբ 1915թ. սկսեց իրագործել կայերի 8 եղանակները, իր գործը ավարտին հասցնելու համար միանգամից մտավորականներին ոչնչացրեց: Ժողովրդի գլուխը մտավորականն է, եթե գլխատվում է ազգը, նրանից հետո ժողովրդի հետ ինչ ուզում են՝ ամում են: Արցախի, Հայաստանի, Սփյուռքի հայ մտավորականությունը ազգային հարցում, կարելի է ասել, մշտապես իր բարձրության վրա է եղել: Վերջերս մեծ հպարտություն ասրեցի, երբ Կարո Փայլանը թուրքական խորհրդարանում Կարուժանի, Ջոհրապի և եղեռնագոհ մեր մյուս երևելիների հարցը բարձրացրեց, նկարները ցուցադրեց և միաժամանակ առաջարկեց, որ հանձնաժողով ստեղծեն ու քննեն, թե ինչ պայմաններում նրանք սպանվեցին: Դա, իհարկե, խիզախություն է:

Մենք միշտ խոսում ենք մեր ոգու մասին: Մեր մեծագույն հարստությունը մեր աննկուն ոգին է: Ոգին, խիզախաման փիլիսոփայությունը մեր մեջ մաքրագործվելով, սերնդեսերունդ գնում են՝ գրականության, դպրության, մշակույթի, գիտության միջոցով, փոխանցվում են դարերին:

Մտավորականը ուղեղն է երկրի: Անուղեղ երկիրը միշտ դատապարտված է լինում կործանման: Մենք սովորաբար խոսում ենք հայկական հատկանիշների մասին, բայց ես շատ տխրում եմ, երբ տեսնում եմ, որ մեր ազգային արժեհամակարգը ամբողջացնող այն գծերը, որոնցով առանձնանում է մեր մարդը, այս պարագայում՝ արցախցին, կորցնում ենք. երկիրն ասես տրվել է փողի, հարստության կուրացնող մոլուցքին: Եվ այդ մրցավազքում կորցնում ենք ամենազինավորը՝ ինչն էլ շահեկանորեն առանձնանում ենք:

Մտավորականությունը երկրի ռազմավարության շարժիչ ուժն է:

ԱՄՆ-ի կյանքում եղավ մի պահ, երբ այդ երկրի տնտեսությունը գրոյական էր: Եվ պետության կից ստեղծվեց ուղեղի կենտրոն (МОЗГОВОЙ ЦЕНТР): Յուրաքանչյուր ոլորտ համախմբեց իր կենտրոնական դեմքերին, խելացի, տաղանդավոր մարդկանց, խորհուրդներ կազմավորվեցին, և առանց այդ խորհուրդների որոշման, ոչ մի հարց չէր լուծվում երկրում: Երկիրը միանգամից դարձավ իրավական պետություն՝ և հզոր, և ուժեղ: Իսկ մենք ո՞ւմ ենք սպասում: Արկաղի Տեր-Թադևոսյանը հայտարարեց մեր բոլոր գեներ-

րալներին հավաքվելու մասին: Անհրաժեշտությունից ծնվեց այդ գաղափարը: Սևակն ասում է՝ ելքը գտնվում է այնտեղ, ուր վերջանում է հնարը: Իսկ ինչո՞ւ չհավաքել նաև մեր բոլոր գիտնականներին, բոլոր ավիակոնստրուկտորներին, ռազմագործներին, մշակութաբաններին, մյուսներին... Համապատասխան խորհուրդները պիտի գործեն պետական կառույցներին կից, որ հայ գիտնականը, անկախ նրանից, թե որտեղ է ապրում, ոչ թե իրեն պարապուրդի մատնի, այլ իմանա, թե հայ ժողովրդի ռազմավարության մեջ կարևոր ուղիները որոնք են, որն է զարգացման ճշմարիտ ճանապարհը, որը պետք է մեր ժողովրդին փրկի: Պետք է վերջ տալ այն մոտեցումներին, որոնք քանդում, ավերում են հայ մարդու ներքին աշխարհը: Աստված մարդու մեջ է: Ամենամեծ և ամենասուրբ եկեղեցին մարդն է: Եկեղեցում մոմ չվառելը մեծագույն մեղք է: Բայց մենք որքա՞ն եկեղեցիներ ունենք (շատ հաճախ՝ ավերված), որոնցում տարիներ շարունակ մոմավառություն չի լինում: Քանակի մեջ չէ հավատը, այլ... կառուցվածին տեր կանգնելու, պահպանելու մեջ: Քանի՞ եկեղեցի ունենք աշխարհում, որ արդեն մզկիթի են վերածվել... Մտածե՛լ ենք այդ մասին, թե ինչու է այդպես լինում...

Վերացնենք պատճառը:

Հպարտանում ենք, որ երկրագնդի ամենատարբեր ծագերում հայն աչքի է ընկնում իր ինքնատիպ կառույցներով, որոնք, ի վերջո, մնում են ուրիշին, մենք մեր շինարարական հանձնարը պիտի ներդնենք հայի՝ որպես տիեզերական սուբյեկտի, կառույցի մեջ, փոխենք մեզ դարեր շարունակ ուղեկցող, ուրիշների կողմից «փառաբանվող» գծերը:

Մեր աշխարհագրական դիրքը երբեք չի փոխվելու. սա պիտի լավ հասկանանք, վերջապես ինչքա՞ն պիտի մենք կառուցենք, թուրքը քանդի: Մեր երկիրը պիտի դառնա աշխարհում ամենամեծամակակից գեներ արտադրող կենտրոններից մեկը: Տերը լինենք մեր ոճի, մեր զարգացման, մեր բազմացման, մեր լինելության, մեր կորած հողերի վերադարձման: Կենտրոնանանք մեծապես ռազմագործության վրա: Մեր դանդաղկոտությունը, մեր հապարդումն այս գործում նշանակում է թուրքին օգնել, որ մեզ ոչնչացնի:

- Ինչու ենք մենք զրոյացված գեղարվեստական արտացոլում գտնելի և հայ գրականության մեջ, թե՞ գրողական երևակայության զգրոցներում դեռ անմշակ նյութ շատ կա, մանավանդ եթե նկատի ունենանք, որ սպիրիտուալ պատերազմի իրողությունները և գեղարվեստագրման կարիք ունեն:

- Ես, իհարկե, կխուսափեմ ամուսններ տալուց: Իսկապես ստեղծվել են գործեր, որոնք ուշադրության արժանի են: Բայց եթե ասեն, որ Ազատամարտը լիարժեք արտացոլում է գտել մեր գրականության մեջ, ճիշտ չի լինի: Գեղարվեստական գրականությունն ակնարկ չէ, նստես ու թարմ տպավորությունների տակ գրես, պետք է տարիների նստվածք լինի: Հայ գրողը, ցավոք, գրկված է գեղարվեստական խնդիրներին ամբողջական նվիրվելուց: Մենք առավտից մինչև ուշ գիշեր մշտապես խրված ենք այլ գործերի մեջ՝ ոչ մեր մեղքով: Մեր կռած, մեր կոփած, մեր արյան մեջ թրծված հաղթանակին համարժեք բառը պիտի գտնվի: Մենք դեռ չենք ստեղծել այդ բառը և որոնման ճանապարհին ենք: Իսկ գրականությունը սկզբից մինչև վերջ (այդ վերջը հարաբերական է, չկա), որոնում է: Ես ուղղակի ողջունում եմ, որ մեր գրողները ճշմարիտ ու հետաքրքիր որոնման մեջ են:

Հարցազրույցը՝ Սվետլանա ԽԱՉԱՏՐՅԱՆԻ

ԻՆՔՆԱՉՐՈՒՅՅ-ԻՆՔՆԱԿԵՆՍԱԳՐՈՒԹՅՈՒՆ

Երազանքի ուղիներով

Դժվար շրջան

Յ

1968թ. հաջողությամբ ավարտեցի դպրոցը և փորձեցի իրականացնել վաղեմի երազանքս: Դիմեցի Երևանի Խ.Աբովյանի անվան մանկավարժական ինստիտուտի լեզվադրական բաժին: Քննությունները հաջող հանձնեցի, սակայն մրցութով դուրս մնացի ընդամենը մեկ միավորի պատճառով: Ծանր ապրումներ ունեցանք ես ու ընտանիքիս անդամները, առավելապես՝ մայրս, որն ինձ հետ մեծ հույսեր էր կապում:

Հաջորդ տարվա փորձս նույնպես չհաջողվեց: Չկոտրվեցի ու համառորեն պայքարում էի: Հիշեցի դպրոցական տարիներս, որի ընթացքում ակամատես դարձա սոցիալական շերտավորման խիստ ընդգծված երևույթին: Ասկերանում կային մի քանի ընտանիքներ, որոնք ակնհայտ ունևոր էին, իսկ մյուսները՝ չքավոր: Այդ ընտանիքների երեխաներն էին կարողանում ծանոթ-բարեկամների միջոցով բուհեր ընդունվել ու միշտ «վերևից» էին մայրում մեզ... Վիրավորված ինքնասիրությունս ինձ հանգիստ չէր տալիս: Պայքարելուց գատ այլ տարբերակ չուների: Ինչ էլ լինի, ես պիտի ապացուցեմ, որ առանց որևէ ծանոթի միջամտության կարող եմ ընդունվել, ու գնացի երազանքիս հետևից: Միայնակ մեկնեցի Երևան, ընկերուհի գտա, միասին տուն վարձեցինք, միասին աշխատեցինք Երևանի լամպերի գործարանում, ու սկսեցի տքնաջան մախապատրաստվել քննություններին: Ընտանիքիս չամհանգստացրի, ամռանը փաստաթղթերս հանձնեցի, առանց որևէ մեկի աջակցության մասնակցեցի քննություններին ու սպասեցի արդյունքների ամփոփմանը: Երբ օգոստոսին ընդունվածների ցուցակը կախեցին, հեռագրեցի ընտանիքիս, որ ընդունվել եմ: Հարազատներիս ուրախությանը չափ չկար. ես հասել էի նպատակիս:

Միշտ ձգտել եմ լավ սովորել և ամեն ինչով աչքի ընկնել: Իսկ երբ արձակուրդներին տուն էի գնում, այդ ունևոր ընկեր-ընկերուհիներից ուշադրություն չէի դարձնում (վերադարձնում էի ինքնասիրությանս «կորուստը»... Խնդրում եմ՝ ինձ ռիսկալ չհամարեք):

Ի՞նչ դեր խաղաց բուհը իմ կյանքում

1970 թվականի սեպտեմբերին հպարտ-հպարտ ոտք դրեցի Խաչատուր Աբովյանի անվան մանկավարժական ինստիտուտի շենքից ներս. ես արդեն ուսանող էի, որը երկու տարվա ընթացքում հասցրել էր անգիր անել հայոց լեզվի ու գրականության, պատմության բոլոր դասագրքերը, ինչն էլ հեշտացնում էր ուսումս:

Ես շատ երջանիկ էի, որ այդ կրթօջախում ուսանել եմ բանասիրական գիտությունների հսկաներին՝ Աշոտ Աբրահամյանին, Արարատ Դարիբյանին, Առաքել Առաքելյանին, Պարույր Սահակյանին, Արտաշես Կարինյանին, Հ. Մազմանյանին, Աննա Արտաշեսովնային... իմ ունեցած գիտելիքների համար հենց նրանց եմ պարտական:

Արդեն 3-րդ կուրսում էի, որ նշանվեցի համադասարանցի Վալերիկ Մելքունյանի հետ, ու քանի որ հեշտ չէր ամեն անգամ գյուղից Երևան հասնելը, համոզեցին ու տեղափոխեցին Ստեփանակերտի մանկավարժական ինստիտուտ: Դա ամենամեծ սխալն էր, որ գործեցի ես կյանքում, քանզի շատ մեծ հնարավորություններ ունեի գիտության մեջ խորանալու համար: Բայց, ի՞նչ արած, երբեմն կյանքը իրենն է թելադրում, ու մենք ենթարկվում ենք դրան:

Ստեփանակերտի մանկավարժականում սովորելն ինձ համար շատ հեշտ էր. երբեմն ասում էի՝ գնում եմ մանկապարտեզ: Չնսեմացնելով այդ բուհի դասախոսների աշխատանքը՝ խոստովանեմ, որ Երևանի մանկավարժական ուրիշ էր մանավանդ այն տարիներին:

1973-ին մենք ամուսնացանք: Հաջորդ տարում ծնվեց մեր առաջնեկը՝ դուստրս, որի մասին կուրսընկերներս կատակով միշտ ասում էին, թե լեզվաբան է ծնվելու: Եիշտ է, հետագայում նա լեզվաբան չդարձավ, այլ բժշկուհի, բայց նրա ծնունդը մեզ անչափ երջանկություն պարգևեց, ու նրան զուգահեռ ավարտեցի ինստիտուտը:

Թվում էր, թե ամեն ինչ լավ է, սակայն այդպես չեղավ. կյանքը ծանր հարվածներ էր նախապատրաստել ինձ համար: Դստերս կնունքից օրեր անց՝ 1974թ. հուլիսի 1-ին, ստացանք խորհրդային բանակում ծառայող 20-ամյա եղբորս մահվան բոթը (չորս ամիս էր մնացել մինչև ծառայության ավարտը), որը մինչ օրս հանելուկային է մնացել:

Տարիներն անցնում էին, հազիվ կարողանում էինք մեզ գտնել, ահա 1984-ին էլ ստացվում է 28-ամյա մյուս եղբորս մահվան բոթը... Կյանքը ինձ համար այդ պահից կորցնում է իր բոլոր գույները՝ թողնելով միայն սևը...

Մշուշվեցին իմ բոլոր երազանքները, գրկեցի ինձ բոլոր տեսակի վայելքներից: Դա շատ ծանր մի ժամանակաշրջան էր ինձ համար: Տարիներ անց միայն հասկացա, որ կարելի էր այդ ամենը քաջությամբ տանել. ջախել էի, չէի հասկանում:

Մանկավարժական մկրտություն

1975 թվականից աշխատանքի անցա Խնապատի միջնակարգ դպրոցում և մինչև թոշակի անցնելս աշխատեցի այնտեղ:

Ես հասկանում էի, որ մանկավարժի համար առաջին տարիները շատ կարևոր են՝ լավ մասնագետ դառնալու համար, և ուժ ու եռանդ չէի խնայում: Միշտ պատասխանատվությամբ էի պատրաստվում դասերին, որ դասի ավարտին տեսնեի սաներիս աչքերի փայլն ու հաջորդ ժամին անհամբեր սպասելու ցանկությունը: Դպրոցի տնօրեն, երջանկահիշատակ Գալյա Բաբայանի (նա Լեւոնի շքանշանակիր էր անցյալ դարի 70-80-ական թվականներից) մոտ այլ կերպ հնարավոր չէր աշխատել, որովհետև աշխատանք գնահատող ամենավորությունն էր: Ափսոս, շուտ հեռացավ կյանքից: Նրան փոխարինեց Զավեն Բեգլարյանը, որն արժանապատվորեն շարունակեց նրա գործը՝ լավագույնս պահպանելով դպրոցի բարի ավանդույթները:

Ընտանիքը և նրա պահպանումը

Չորս զավակ ունեցանք մենք համատեղ կյանքում՝ երկու որդի, երկու դուստր: Չորսն էլ բարձրագույն կրթություն ստացան ու գնացին իրենց երազանքների հետևից: Ընտանիք կազմեցին, երեխաներ ունեցան:

Շատ դժվարությունների եմ հանդիպել, լռելյայն տարել ու փրկել ընտանիքս՝ հանուն երեխաների: Երբեք թույլ չեմ տվել, որ իմ երեխաներն ականատես լինեն ինչ-որ վիճաբանության կամ տարածայնության: Դեռևս պատանության տարիներին էի երդվել, որ կյանքում երբեք թույլ չեմ տալու, որ ընտանեկան վեճերն ու կռիվները վրդովեն երեխաների մանուկ հոգիները: Թե ինչ գնով է դա հաջողվել ինձ, թողնում եմ փակագծերում, որ երբեք չեմ բացում: Իսկական մանկավարժը պիտի ընդունակ լինի նման զոհողությունների:

Երբ հասարակական հիմունքներով աշխատում էի Ասկերանի կրթության բաժնին կից «Անչափահասների խնամակալության և հոգաբարձության հանձնաժողով»-ում (հանձնաժողովի անդամ էի), շատ ընտանիքների խնդիրներ ենք լուծել ընկերներով և անչափահասների ճակատագրեր որոշել: Ըստ ինձ՝ ընտանիքի պահպանման հիմնական առաքելությունը կնոջ ուսերին է ծանրացած, ու նա պատվով պիտի կատարի այն:

ՇԵՔԻԱԹԱԳԻՏԱԿԱՆ

ԲԱՆԱՀԱՅՏՈՒՄՆԵՐ ԶԵՔԻԱԹԻ ՀԱՆՂԵՐՉԱՐԱՆՈՒՄ

Չեքիաթները անդունդներ են՝ խորը, ան-
ծայր, անվերջ, հարուստ ու շքեղ աշխարհ:

Չեքիաթը ամենաբարձր ստեղծագործու-
թյունն է, նույնիսկ հանճարները հեքիաթներ
չեն կարողանում ստեղծել, բայց հեքիաթնե-
րի են ծագում:

Չոլի. Թունանյան

Իրոք, հեքիաթներն ամենաշքեղ ու
խորթային փիլիսոփայություն պա-
րունակող ստեղծագործություններ են, այն-
քան բազմաշերտ, որ մարդկային մեկ կյան-
քը չի բավականացնի՝ պեղելու նրանց
ինաստային բազմազանությունները: Չեքի-
աթներն են, որ փայլ են հաղորդում մայլ ու
գորշ իրականությանը, ապրելու ուժ ու կո-
րով հաղորդում հուսահատության մեջ
հայտնված հոգիներին: Չեքիաթը եղել, կա
ու կլինի այն միակ իրազագործ միջոցը,
որով սերունդներ են կրթվել ու բարի դարձ-
րել կյանքը:

Չեքիաթն ավելի իրապատում է դառնում
մասնավոր այն դեպքում, երբ հայտնվում
ես հեքիաթային մարդկանց շրջապատում:

Չոլիաննես Թունանյանի թանգարանը
հերթական հետաքրքիր գործն էր նախա-
ծեռնել՝ հյուրընկալելով հեքիաթագիտա-
կան 15-րդ միջազգային գիտաժողովը, որը
տեղի ունեցավ Մատենադարանի փոքր
դահլիճում:

Չիմանական նախածեռնությունը պատ-
կանում է թանգարանի հեքիաթագիտության
բաժնի ղեկավար, բ.գ.դ., ԵՊՀ ռոմանագեր-
մանական բանասիրության ամբիոնի պրո-
ֆեսոր, թարգմանչուհի Ալվարդ Ջիվանյա-
նին: Գիտաժողովը իր երկօրյա գործունեու-
թյան ընթացքում հետաքրքիր բացահայ-
տումներ արեց աշխարհի հեքիաթների հան-
դերձարանում՝ հաճելի ու տպավորիչ պա-
հեր պարզելով նրա մասնակիցներին: Շատ դժվար էր հեքիաթային այդ աշխար-
հից բաժանումը, քանզի ներկայիս գորշ
իրականության համատարած մշուշի մեջ
լուսաշող ու ջերմացնող ակնթարթներ էինք
ապրում:

Ողջունելով գիտաժողովի մասնակիցնե-
րին՝ թանգարանի տնօրեն Լուսինե Ղարա-
խանյանը նշեց, որ թանգարանի գիտական
առաջնահերթություններից շարունակում է
մնալ հեքիաթների ուսումնասիրությունը,
որն ամեն տարի մեր խորագիր է ունենում
Ալվարդ Ջիվանյանի ջանքերի շնորհիվ, ու
յուրաքանչյուր հաջորդ տարվա խորագիրը
միշտ գերազանցում է նախորդին: Չեքիաթի
ինաստաբանական խորհուրդը շատ մեծ է, և
երկօրյա լսումները շատ մեծ արծազանք են
ունենալու:

Տիկին Ջիվանյանի կարծիքով՝ ամեն
տարի թվում է, թե անհնար է դառնալու հա-
ջորդ գիտաժողովի կազմակերպումը, մա-
նավանդ որ ինքը երկար ժամանակ բացա-
կայում էր, և այդ ընթացքում ողջ հոգսը
թանգարանի տնօրենի ուսերին էր, սակայն
նրա խիզախումը թեմային աշխատանքի
շնորհիվ բարեհաջող ընթացք ունեցավ: Նա
նշեց, որ զեկուցումների շարքում կան նաև
օտարազգի մասնակիցների ուսումնասի-
րություններ:

Թամար Չայրապետյանը (ԵՊՀ, ՀՀ ԳԱԱ
հնագիտության և ազգագրության ինստի-
տուտ) ներկայացրեց «Առատության եղջյու-
րը՝ որբերի ստնտու և շքեղ հանդերձների
հովանավոր» նյութը: Ըստ հունական դիցա-
բանության՝ Ջևսի ստնտու Ամալթեա այծի
եղջյուրն ունեցել է մոզական հատկություն և
ապահովել է տիրոջ փափագը: «Առատու-
թյան եղջյուրը» այլաբանորեն նշանակում է
որևէ երևույթի, սննդի, հագուստի, եկամուտ-
ների առատություն, շռայլություն: Չայ բա-

նահյուսության մեջ կենցաղավարել է «Կար-
միր կովի խեղճաթը» անվամբ հայտնի մի հե-
քիաթախումբ, որը համապատասխանում է
Հանա-Յորգ Ութերի միջազգային դասա-
կարգմամբ «Մոխրոտիկ» խորագիրը կրող
հեքիաթների տիպին: Մեր հեքիաթների վեր-
լուծությունից պարզ է դառնում, որ հանի-
րավի պատուհասված որբերին առատ
սնունդ և պերճ հանդերձներ ու ոսկե մաշիկ-
ներ են պարզել կովի կամ եզան ոսկորնե-
րը, գլուխը և եղջյուրները, որոնք ծիսաա-
ռասպելական ակունքներ ունեն: Օրինակ՝
կովը կամ եզը խորթ մոր պահանջով մորթ-
վում են, որպեսզի ամուսնու աղջիկը կամ
երեխաները գրկվեն հովանավոր կենդանի-



ների աջակցությունից: Որբերը պառավի
խորհրդով կովի կոտոշները, ոտները,
սմբակները և բոլոր ոսկորները հորում են
գտնում, սնվում կոտոշների յուղ ու մեղրով,
և նրանց մազերն ու դեմքը ոսկեօծվում
են...

Այդ խմբի հեքիաթներում շքեղ հանդեր-
ձանք (սոցիալական կարգավիճակի փոփո-
խություն) ձեռք բերելու նախապայմանը
կապված է մորթված կենդանու ոսկորները
ժողովելու, միացնելու, ամբողջացնելու ծի-
սական արարողության հետ, ինչն էլ վերա-
կանգնում է մարդու և տիեզերքի, միկրո և
մակրո կոսմոսների խաթարված ներդաշնա-
կությունը:

Նվարդ Վարդանյանը (ԵՊՀ, ՀՀ ԳԱԱ
հնագիտության և ազգագրության ինստի-
տուտ) իր զեկուցման մեջ անդրադարձավ
կոշիկների իմաստաբանությանը հայկական
հրաշապատում սյուժեներում, և քանի որ
սերտորեն փոխկապակցված է ոտքի իմաս-
տաբանությանը, ոտք-գուլպա-կոշիկ իմաս-
տաբանական շրթայում բացահայտեց «մի
ոտքը այն աշխարհում» արտահայտության
ինաստը, թաղման ծեսի ժամանակ հան-
գուցյալի համար մոր կոշիկի առկայությու-
նը, հարսնացուի կոշիկը գողանալու ծեսը,
Նոր տարվա շեմին կոշիկի նետելը հակա-
ռակ ուղղությամբ, Ամանորին գուլպա կա-
խելը երդիկից և այլն: Ոտք-կոշիկ-գուլպա
այլաբանության ուշագրավ շերտեր են բա-
ցահայտում տարեպտույտի և հարսանեկան
ծեսերից ծագած մի շարք խաղեր:

Վարդուհի Բալոյանի (ՀՀ ԳԱԱ գրակա-
նության ինստիտուտ) նյութը կապված էր
«Փեշակը ոսկի ա» արտահայտության հետ,
որի վերլուծությունը նա կատարեց Ղ.Աղա-
յանի «Անահիտ» հեքիաթի հիման վրա, որը
գրվել է Լոռիում տարածված «Փեշակը ոսկի
ա» ժողովրդական հեքիաթի մոտիվներով:
Չեքիաթը ուշագրավ է նաև նրանով, որ դեպ-
քերը ծավալվում են Արցախում: Չեքիաթի
առանցքում մարդու աշխատանքով
ձևավորվող ինքնությունն է. այստեղ արիես-
տը դառնում է ոչ միայն տնտեսական
անհրաժեշտություն, այլև բարոյական ար-
ժանապատվության չափանիշ: Չեքիաթում
հագուստի փոփոխությունը գործում է որ-

պես կերպարների ներքին զարգացման
նշան՝ բացահայտելով արժեքների իրական
հաջորդականությունը. իշխանությունը
չափվում է ոչ թե վախով և սին փառքով, այլ
աշխատանքի, քաջության, բարոյականու-
թյան և խնամարիության ունակությամբ:

Չայրապետ Չակոբյանը (Երևանի թատ-
րոնի և կինոյի պետական ինստիտուտ)
կարևորեց այն փաստը, որ հեքիաթների հե-
րոսների հագուստից կարելի է պատկերա-
ցում կազմել ազգային նկարագրի, սոցիա-
լական կարգավիճակի, բարեկեցության
կամ չքավորության, սոցիալական պատկա-
նելության մասին: Չայկական հեքիաթնե-
րում հաճախ են հիշատակվում կանացի
զարդերից ուլունքներն ու մա-
տանին: Ուլունքների հաճախա-
կի հիշատակումը բացատրվում է դրանց
կախարդական իմաս-
տաբանությամբ. թագուհին կուլ
է տալիս ուլունքը և հղիանում է, ձկան
փորոտիքից դուրս եկած
ուլունքը իրականացնում է ցան-
կացած երազանք, ուլունքի մեջ
է աղջկա ուժն ու կյանքը: Իսկ
ընդհանրապես հեքիաթի մեջ
հագուստը յուրօրինակ կող է,
որը պատկերացում է տալիս
տվյալ ժամանակաշրջանի «նո-
րածեռության», հագուկապի և
նախասիրությունների մասին:

Օֆելյա Ազիզյանի (Չայաստանի գեղար-
վեստի պետական ակադեմիա) հեքիաթից
նորածեռություն թեզը հիմնականում վերա-
բերում էր բրիտանացի դիզայներ Ջոն Գալ-
յանոյի կողմից 2009 թվականին ստեղծված
«Սառցե գեղեցկուհիներ» հավաքածուին,
որը ոգեշնչված է սլավոնական և բալկան-
յան ազգային հեքիաթներից: Վերլուծությու-
նը ցույց է տալիս, որ հեքիաթային մոտիվ-
ները ժամանակակից նորածեռության մեջ
չեն սահմանափակվում միայն դեկորատիվ
հղումներով, ավելին, դրանք ձևավորում են
բարդ տեսողական մետաֆորայի լեզու, որը
դիզայներներին հնարավորություն է տալիս
դիմելու կոլեկտիվ երևակայությանը, վերա-
ինաստավորելու մշակութային ավանդույթ-
ները և ստեղծելու նոր երևակայական աշ-
խարհներ:

Եսթեր Խեչումյանի (ՀՀ ԳԱԱ հնագիտու-
թյան և ազգագրության ինստիտուտ) անդ-
րադարձը վերաբերում էր «Թագավորի
զգեստափոխության ֆենոմենը հայ բա-
նահյուսության շահաբասյան սյուժեներ-
ում» թեմային: Հագուստը բնորոշող և
տարբերակիչ դեր ունի: Հագուստով կարելի
է որոշել մարդ-անհատի դիրքը և դերը
տվյալ հասարակության մեջ: Շատ հաճախ
մարդուն հարգանք էին մատուցում՝ ըստ
թանկարժեք հագուստի: Հիշենք Խ.Աբովյա-
նի «Հացակեր փեշը»: Պատմավիպական
բանահյուսական սյուժեներում հաճախ է
հանդիպում ծպտվելու նպատակով թագա-
վորի զգեստափոխության մոտիվը: Այդ սո-
վորությունն ունեին հատկապես արևելյան
միապետները: Օրինակ՝ անքնությանը տա-
ռապող Հարուն ալ Ռաշիդը վաճառականի
հագուստով և հավատարիմ ուղեկիցներով
թափառում էր Բաղդադի փողոցներում և
արկածներ որոնում: Ի տարբերություն Հա-
րուն ալ Ռաշիդի՝ Շահ Աբասի և Սուլթան
Մուրադի զգեստափոխված շրջագայությու-
նը նպատակ ուներ վեր հանել երկրի անցու-
դարձը, օրինազանցությունները, ճշմար-
տությունը ժողովրդի կենսակերպի մասին և
այլն: Նա խելամորթն օգտագործում է
ստորին խավի հագուստները՝ ի նպաստ
պետական կարևոր եզրահանգումների:

Արմինե Դանիելյանի (ռուս-հայկական

(Սլավոնական) համալսարան) ուսումնասի-
րությունն առնչվում էր պատկերային տեքս-
տերում հագուստի գործառնություններին: Հա-
գուստը նախևառաջ կերպարաստեղծ հնար
է, որը դառնում է սյուժեի զարգացման
կարևոր բաղադրիչ: Պահպանելով նո-
րածեռության ոլորտում ձեռք բերած իր հատ-
կությունները՝ զգեստը ստեղծում է հեքիա-
թային մի հերոսուհու, որի տոկ արտաքին
տեսքն արդեն իսկ բավարար է լուսանկարի
կամ ցուցադրության հանդիսատեսին լիար-
ժեք հաղորդագրություն փոխանցելու հա-
մար:

Լուսինե Մադաթյանի (ՀՀ ԳԱԱ հնագի-
տության և ազգագրության ինստիտուտ,
Ռուս-հայկական համալսարան) հետազո-
տությունը նպատակ ուներ ուսումնասիրել
հագուստի նշանագիտական դերը Անջելա
Քարթերի «Մարդագայլը», «Գայլերի ընկե-
րակցությունը» և «Գայլ Ալիսը» ստեղծա-
գործություններում: Հագուստն այս պա-
տումներում դիտարկվում է ոչ թե որպես
զարդ, այլ որպես առանցքային պատմա-
յին հնար, որը ձևավորում է Քարթերի վերա-
պատումների ֆեմինիստական տեսակետը,
ինչպես նաև հասարա-
կության մեջ ամրա-
կայված կարծրատի-
պերին ուղղված նրա
ընդվզումները: Առա-
ջին պատումում հա-
գուստը գործում է որ-
պես իրեշավորությու-
նը քողարկող միջոց,
երկրորդում հերոսու-
հու ինքնական մերկա-
նալը «Կարմիր գլ-
խարկը» հեքիաթում
տեղ գտած բարոյա-
կան նորմերի խաթա-
րումն է. կարմիր շալը դառնում է սեռական
հասունության նշան, այլ ոչ թե թուլության և
խոցելիության: Երրորդ՝ «Գայլ Ալիսը» պա-
տումում Քարթերը զարգացնում է միտքը՝
հակասելով այն գաղափարին, թե հագուս-
տը քաղաքակրթության մեջ մտնելու
խորհրդանիշ է: Պատումների վերլուծու-
թյունները ցույց են տալիս, որ հագուստը
երբեք պատահական ընտրված չէ, այլ
առանցքային տեղ ունի Քարթերի ստեղծա-
գործություններում. այն թաքցնում ու բա-
ցահայտում է, ճնշում ու ազատում է, սահ-
մանափակում ու արտոնում:




Չեքիաթի տեքստում հագուստի տարբե-
րի վրա հիմնված անտոնոմագիային անդ-
րադարձավ Լուսինե Թովմասյանը (Սլավո-
նական համալսարան), որը հեքիաթում կա-
տարում է մի քանի կարևոր դեր. նպատում
է վառ կերպարների ստեղծմանը, նրանց էու-
թյան բացահայտմանը, ուժեղացնում է
պատմության պատկերավորությունը և հա-
ճախ տալիս է հունորային ազդեցություն:
Անտոնոմագիան թույլ է տալիս իրոսի
անունը փոխարինել արտահայտիչ նկա-
րագրությամբ, որը բացահայտում է նրա էու-
թյունը: Նրա միջոցով հեշտ է բնութագրել
կերպարին՝ նշելով նրա գծերը, սոցիալա-
կան դերը, զբաղմունքը կամ վարքագիծը:
Ն.Ա.Ալիմենկոն, ուսումնասիրելով հեքիա-
թային կերպարների անունների ստուգաբա-
նությունը, առանձնացնում է այն անուննե-
րը, որոնք լեզվում ունեն փոխաբերական
անվանման հատկանիշներ:

Չարինե Սառաջյանը (ՀՀ ԳԱԱ Մանուկ
Աբեղյանի անվան ինստիտուտ, ԵՊՀ) բա-
ցահայտեց «Հագար ու մեկ գիշեր» հեքիաթ-
ների տեքստերի հանդերձանքի սիմվոլի-
կան ու գործառնությո: Այս ժողովածուն արա-
բական, պարսկական, հնդկական և

ԱՄՓՈՓՈՒՄ

ԲԱՅԱՆԱՅՏՈՒՄՆԵՐ ՇԵՔԻԱԹԻ ՀԱՆԳԵՐՉԱՐԱՆՈՒՄ

արևելյան այլ մշակութային տարածքներում ձևավորված պատմությունների ամբողջություն է, որն ունի բազմաշերտ կառուցվածք, խորհրդանշական բովանդակություն և գեղարվեստական տարբեր հնարաններ: Հետազոտության առանցքում է հեքիաթների հանդերձանքը՝ իր տարբեր կիրառություններով, սիմվոլիկայով և գործառնություններով: Հագուստի բաղադրիչները՝ կտորների տեսակները, գույները, ձևերը, դետալները, դառնում են կերպարների, գործողությունների ընկալման և բնութագրման հիմնական կոդերը: Շեքլ հանդերձանքները մատնանշում են իշխանություն, հարստություն կամ սոցիալական



բարձր դիրք, մինչդեռ հնամաշ շորերն ու ցնցոտիները գործածվում են որպես աղքատության կամ սոցիալական ծանր վիճակը ներկայացնելու միջոց: Մոզական հագուստները հերոսներին օժտում են գերբնական կարողություններով, իսկ կերպարանափոխության հագուստները շեշտում են հեքիաթների սյուժետային անկախատեսելիության բնորոշ հատկանիշները:

Դորպատի (Տարտու) համալսարանի դասախոս Ջոնաթան Բոուլդերը իր զեկուցման մեջ ընդգծեց անգլիական բանահյուսության մեջ հաճախակի հանդես եկող դերձակի կերպարը, որն ընդհանուր առմամբ բացասական գծերով է հայտնի: Դերձակի կերպարի բացասական գծերով պատկերումը շատ ընդհանրություններ ունի ջուլիակի ու ջրաղացպանի կերպարների հետ, որոնք հիմնականում պատկերվում են որպես խաբեբա, դերձակին էլ ներկայացրել են տղամարդուն ոչ հարիր զբաղմունքի կրողի ու վերագրել են կնաբարո բնություն:

Գառնիկ Գևորգյանը (ԵՊՀ) ներկայացրեց հայկական և պարսկական ժողովրդական հեքիաթներում հերոսի հանդերձանքներում որոշ ընդհանրություններ: 1000-ամյակների ակտիվ փոխշփումներն իրենց կնիքն են դրել հայոց և պարսից մշակույթների վրա: Հավանաբար տոտեմական շրջանի մնացուկներ են բուսեղեն հագուստների մեջ ծալված հերոսների օրինակները, որոնց կարելի է հանդիպել հայկական և պարսկական հեքիաթներում:

Հասմիկ Մատիկյանի (ՀՀ ԳԱԱ Շիրակի հայագիտական կենտրոն) զեկուցման նյութը արտացոլում էր հայ մանկական բանահյուսության մեջ

գործածվող մանկախնամ և մանկախաղաց երգերին, որոնցում գովերգվում են մանկան օրոցքն ու պարագաները (դոշակ, բարձ, բոխչա, շապիկ և այլն): Ոսկեգույնը, արծաթագույնը հագուստը կամ կարմիրը խաղիկների միջոցով ներկայացնում են մայրական սիրո և ապագայի երազանքը:

Բանասեր-հետազոտող Գոհար Մելիքյանը ԱՄՆ-ից առցանց միացավ գիտաժողովին և ներկայացրեց հագուստի խորհրդանշական ու կառուցվածքային գործառնությունները «Հագուստն էլ բնույթն է» հեքիաթախմբի շրջանակներում:

Օրբելի եղբայրների տուն-թանգարանից Մարիամ Օհանյանն անդրադարձավ 1911-1912թթ. Մոկսուն Յովսեփ Օրբելու կատարած ուսումնասիրություններին, որոնք արտացոլում են մոկսեցիների սովորույթները՝ տնտեսական կենցաղը, զբաղմունքը, հագուստը, որոնք, ցավոք, այսօր գոյություն չունեն:

ՀՀ ԳԱԱ հնագիտության և ազգագրության ինստիտուտից Լուսինե Հայրիյանը ներկայացրեց Եվրոպայում ընդունված զգեստափոխության երևույթը դիմակահանդեսային կամ կառնավալային մշակույթում: Հեքիաթներում նույնպես թույլատրելի են շրջադարձերն ու կերպափոխությունները զգեստափոխության միջոցով (Ղազարոս Աղայանի «Արեգնագան կամ Կախարդական աշխարհ»):

Երիտասարդ ազգագրագետ Վահե Քոթանյանի ուսումնասիրության թեման՝ «Հեքիաթը որպես հայկական տարազի աղբյուրագիտական կարևոր հենք», բացահայտում էր, որ շատ հեքիաթներ հարյուրավոր ու հազարավոր տարիների ստույգ տեղեկություններ են իրենց մեջ պարունակում, ըստ այդմ՝ հայկական տարազը ոչ միայն զգեստ է, որ մարմին է ծածկում, այլև իր մեջ ամփոփում է մի ողջ ազգի հավատալիքային սովորույթներ և տեղային ավանդույթներ:

Երկօրյա գիտաժողովի վերջին զեկուցողի՝ Տաթևիկ Ավետիսյանի (հեղինակ, թարգմանիչ, Հաքաուաթի մշակութային ՀԿ) հեղինակային ստեղծագործությունը շատ մեծ տպավորություն թողեց հանդիսատեսների հոգուն ու մտքին: Հեքիաթ-պատումի հերոսը՝ Հրե աղջիկը, արևի հրվիժակից անցնում է երկրային հրի, իսկ այնուհետև՝ սիրո լույսի փոխակերպմանը: Գիրքը նախատեսված է 7+ տարեկան երեխաների և մեծահասակների համար: Պատումը նպատակ ունի զարգացնելու երեխաների թե՛ ռաջիոնալ, թե՛ զգայական ինտելեկտը, սովորեցնում է ճանաչել ներաշխարհը և արտաքին աշխարհը, խրախուսում է լինել հետաքրքրասեր և ապրումակցող:

Վերջում գիտաժողովն ամփոփեց իր աշխատանքը և հաջողություն մաղթեց հեքիաթագիտական հաջորդ գիտաժողովի իրականացման աշխատանքներին:

«Այն ամենը, ինչին նայում ես, կարող է հեքիաթ դառնալ, և դու կարող ես պատմություն կերտել այն ամենից, ինչին դիպչում ես», - ասել է Անդրեյանը:

Ս. ՂԱԶԱՐՅԱՆ

ԻՆԵՆԱԶՐՈՒՅՑ-ԻՆԵՆԱԿԵՆՍԱԳՐՈՒԹՅՈՒՆ

5 Մանկավարժական գործունեություն. ի՞նչ ենթադրում ենք եմ ունեցել

Չորս տասնամյակից ավելի մանկավարժական գործունեությունս իրականացրել եմ Ասկերանի շրջանի Խնամապատի միջնակարգ դպրոցում՝ որպես հայոց լեզվի ու գրականության ուսուցչուհի:

Այդ տարիներից 15-ը անցկացրել եմ դպրոցի ուսումնադաստիարակչական աշխատանքների գծով փոխտնօրենի պաշտոնում: Աշխատանքային գործունեությունս եղել է շատ հարուստ ու բովանդակալից, առատ՝ հետաքրքիր անակնկալներով: Գուցե դա է եղել հիմնական պատճառը, որ այդ տարիներն անցել են մի վայրկյանի թռիչքով: Պարզևստիկ եմ բազմաթիվ պատվոգրերով ու շնորհակալագրերով՝ սաներիս՝ տարբեր թեմաներով ստեղծագործական շարժարտությունների մրցույթներում (համարյա ամեն տարի), օլիմպիադաներում մրցանակային տեղեր գրավելու, մասնագիտական խոր պատրաստվածության, սովորողներին կայուն գիտելիքներ հաղորդելու համար:

2002թ. մասնակցել եմ «Տարվա լավագույն ուսուցիչ» մրցույթին, շրջանում հաղթող ճանաչվել, իսկ հանրապետական փուլում «Ուսուցիչ-աշակերտ փոխհարաբերությունների մակարդակը» անվանակարգում հաղթել՝ արժանանալով ԿԳ նախարարության պատվոգրի և դրամական պարգևի:

2005-2006 ուստարում երկու փուլով մասնակցելով Երևանի «Սփյուռք» գիտաուսումնական կենտրոնի կազմակերպած արևմտահայերենի դասընթացներին՝ հաղթող եմ ճանաչվել և իրավունք ստացել 2006-2007 ուստարում արևմտահայերենի դասեր վարել Խնամապատի միջնակարգ դպրոցի 9-րդ դասարանում:

2012-ին մասնակցել եմ Երևանում կազմակերպված լավագույն ուսուցիչների մրցանակաբաշխությանը՝ «Տաշիր գրուպ» ընկերության կողմից արժանանալով դրամական պարգևի: 2013թ. ուսուցիչների աստեսավորման արդյունքում ԿԳՄ նախարարության կողմից ինձ շնորհվել է տարակարգ:

2014 թվականի հունվարին ԼՂՀ-ին մատուցած ծառայությունների և ներդրած ավանդի համար պարգևատրվել եմ ԼՂՀ վարչապետի հուշամեդալով: Հաջողություններն ու պարգևները երբեք չեն ինքնահանգստացրել ինձ, այլ խթանել են իմ գործունեությունը, ու ես ձգտել եմ նորանոր հաջողություններ գրանցել:

2014թ. սեպտեմբերին անցել եմ թոշակի, բայց հետագա տարիներին աշխատել եմ և՛ հարազատ դպրոցում, և՛ Ասկերանի միջնակարգ դպրոցում, որտեղ ինձ վերաբերվել են ամենայն հարգանքով ու սիրով: Այդ կարճ ժամանակը բավարար է եղել՝ ճանաչելու ուսուցիչների մի հզոր բանակի, որտեղ բոլորն աշխատում էին խղճի մտքով ու բարձր պատասխանատվությամբ:

Այլ աշխատանքներ

Մանկավարժական գործունեությանը զուգահեռ զբաղվել եմ նաև ստեղծագործական աշխատանքով: Գիտակրթական, մանկավարժահոգեբանական բազմաթիվ հոդվածների հեղինակ եմ, Արցախի ժուռնալիստների միության անդամ: Կատարել եմ նաև հասարակական աշխատանքներ. Կարմիր խաչի կողմից լիազորված եմ եղել տարբեր դպրոցներում դասախոսություններ կարդալու «Մարդը՝ մարդուն» թեմայով, եղել եմ կրթության բաժնին կից «Անչափահասների խնամակալության և հոգաբարձության հանձնաժողով»-ի անդամ, արտահաստիքային տեսուչ և այլն: Հանդես եմ եկել ԼՂՀ ռադիոյի և հեռուստատեսության տարբեր հաղորդումներում ու հարցազրույցներ տվել:

Երբ ինձ թոշակի ուղարկեցին, շատ մեծ ուրբերություն ապրեցի. թվում էր՝ աշխարհի վերջն է: Ամիսներ շարունակ առավոտները կանգնում էի մեր ցանկապատի մոտ ու դպրոց ճանապարհում աշակերտներին և ուսուցիչներին: Կարող խեղդում էր ինձ: Չէ՛ որ ես դեռ շատ բան ունեի փոխանցելու մատաղ սերնդին: Անարդարության դեմ բողոքներս մնացին անարձագանք:

Գուցե ինչ-որ տեղ չզգնահատված կամ չհասկացված եմ եղել, փույթ չէ, քանզի մշտապես վա-

յելել եմ սաներիս ու նրանց ծնողների անկեղծ սերն ու խոր հարգանքը, որն ինձ համար ավելին էր, քան բոլոր տեսակի պետական կոչումները:

«Փրկությունս» հայտնվեց անսպասելի: Ստեփանակերտում պատահաբար հանդիպեցի «Լուսարար» թերթի գլխավոր խմբագիր Սվետլանա Խաչատրյանին, որն ինձ առաջարկեց թերթի սրբագրիչի պաշտոնը, ինչն էլ մեծ սիրով ընդունեցի, չնայած ներքուստ շատ էի կարոտում դպրոցը:

Արցախյան պատերազմները և հետևանքները

Դժբախտաբար ինձ վիճակված է եղել ապրել անցյալ դարի 90-ականներից մինչև 2023-ի սեպտեմբերն ընկած ժամանակահատվածի բոլոր արհավիրքները:

88-ի շարժումը դարձավ ողջ հայության արժանապատվության ու աննկուն ոգու վառ դրսևորումը: Մեր միասնական պայքարը պատմական արդարության վերականգնման համար էր: Այդ պայքարի դեմ անգոր եղան բոլոր տեսակի սադրանքները, ու մենք հաղթեցինք թշնամուն՝ պարտադրելով նրան մեր կամքը: Դա պահանջեց հազարավոր կյանքեր: Նրանց անունները ոսկե տառերով գրվեցին մեր նորօրյա պատմության էջերում:

1990-ականների, 2016-ի, 2020-ի մարտական գործողությունների տարեգիրն էի դարձել: Օրագիր էի պահում, որի էջերը ողողված էին մեր նահատակների սուրբ արյունով ու մեր դառն արցունքներով: Ցավոք, ես այդ ամենը կորցրի 2023-ի սեպտեմբերի 19-ին, երբ մեզ տեղափոխեցին Ստեփանակերտի օդանավակայան, ու այլևս հնարավորություն չունեցա տուն վերադառնալու ու փրկվելու այդ սուրբ մատուցները: Ամեն ինչ մնաց թշնամուն:

Առաջին պատերազմից հետո, երբ որոշակիորեն խաղաղվել էինք արդեն, սկսեցի գյուղի՝ պատերազմում աչքի ընկած ազատամարտիկների պատմություններն հիման վրա հրապարակումներ անել՝ ներկայացնելով նրանց սիրամբներն ու քաջագործությունները: Որոշ ժամանակ անց միտք հղացավ՝ մի ամբողջական գրքով ներկայացնել Խնամապատի հերոսական վաշտի տղաների (գոհված թե ողջ) մասին համապարփակ պատմությունը՝ ականատեսների վկայություններով: Այցելեցի բոլոր ազատամարտիկների օջախները, պատմություններ ու լուսանկարներ հավաքեցի հնարավորության սահմաններում՝ ամփոփելու մեկ գրքի մեջ՝ սերունդներին պահ տալով այդ հերոս տղաների հերոսական մաքառումները:

Գտնվեցին մարդիկ, որ սկզբում խոստացան հովանավորել գրքի տպագրությունը, իսկ երբ ամեն ինչ արդեն պատրաստ էր, դրժեցին իրենց խոստումը: Հույսս չեմ կտրում, սպասում եմ բարի մարդկանց աջակցությանը:

Դրանից հետո եղավ 2016-ի քառօրյան, հետո՝ ահավոր 2020-ը, իսկ վերջում՝ 2023-ի սեպտեմբերը, որը վերջնականապես խաչ քաշեց բոլորիս ճակատագրերին...

Երեսուն տարիների փայփայած մեր Անկախությունը, մեր երազանքները մեկ վայրկյանում փուչիկների պես պայթեցին մեր գլխին: Դա նրանից է, որ մենք «դափնիների վրա հանգստացող» ազգ ենք, չզնահատեցինք մեր մեծ հաղթանակը ու այն պահպանելու քայլեր չձեռնարկեցինք հետագա տարիներին: Ասում եմ՝ ժողովուրդը երբեք չի սխալվում, բայց մենք չարաչար սխալվեցինք ու կորցրինք մեր թանկ հայրենիքը: Ավելին, դարձանք հայրենագուրկ ու փախստական բազմաչարքար հայրենի հողի վրա: Սա այն ահավոր իրականությունն է, որ նույնիսկ ամենաչար երագուլ էլ հնարավոր չէ տեսնել:

Այսօր էլ շարունակում եմ Արցախի հոգու ու ցավով ապրել և գրել մարտնչել նրա լուսավոր ապագայի համար:

Հուսանք, որ այս ծանր ժամանակները պատվով կհաղթահարենք, ու կհայտնվի այն նախանձախնդիր առաջնորդը, որը երկիրը կտանի վերելքի ու բարգավաճման ճանապարհով:

Շնորհակալ եմ, որ համբերատար հետևեցիք այս երկարաշունչ պատմությանը:

Սուրբյա ՂԱԶԱՐՅԱՆ

